

20340.181

41

25

淮陽縣志 卷十三





灌陽縣志卷十二

人物

山之輝也石蘊玉川之媚也水懷珠故山川有珠玉而稟清淑之氣者遂鍾而為瑰瑋奇特之人或為理學或為名臣或為文章經濟或為忠孝節廉生才不聞於古今樹績不分於窮達天地閒所賴以持綱常扶名教參贊乎天地輔助乎萬物者匪異人任也故采擇必真不徇己不徇人不以砥礪亂玉魚目混珠乃得與山川爭輝媚也述人物

鄉賢

明

灌陽縣志卷十二 列傳

鄧 義字時宜歲貢生登胄監歷政夏官授廣東高

州府同知修政庶尹陞布政司右參議誥授亞中

大夫

舊志

楊 鏊字時濟號靜可年二十中宏治甲子舉人正

德戊辰乙榜丁丑進士四川按察司僉事鏊稟雋

才讀書刻苦有大志擢乙榜時授浙江秀水縣教

諭未幾艱丁內外服闋授湖廣東安縣教諭以學

校衰力為振興朝夕不懈諸生有起而領鄉薦者

及入南宮授行人司行人奉旨使皆稱職晉貴州

巡倉場漕運例有隨糧輕齎脚價

前運官支銷無稽往往侵公肥己鏊奏此項出自





民脂請嚴查考奏上允之自是歲積輕齎贏銀凡五萬餘兩計可造糧船五百隻積蠹爲之肅清既委按議者以應天高淳縣養馬數百匹派撥寧國府宣城等五縣分養檄至五縣民聚數萬餘鬪鬪凌辱官府整馳詣撫諭解散法治渠魁調停馬政差科使高淳仍舊養馬五縣分派差科十數年結構一旦紓焉其才能若此溧陽有彭綽恃富凌物害衆罹其毒者無數綽交結當道皆不按整捕綽與其黨置獄民賴以安其得代也民送者如堵寧國之民戴德且立生祠塑像以事整居言路五年風裁懍懍其建白薦舉彈劾九十餘疏無一不切

事理洽輿情識者頌爲真御史也尋補四川按察司僉事適芒部土官隴氏兄弟爭立其酋沙保挾之以叛撫臣徂征得僞沙保獻捷未幾沙保復叛撫臣以荒歉請罷兵但議擒首惡以整能屬之至揚威信諭利害諸酋誓服遂擒沙保及子普奴家屬出不煩兵食而大亂平柄事者欲諱前僞令勿報整曰非要功第以有爲無事屬欺君吾不敢也報之乃勞敘未下而謗言果興整於是見幾作矣生平身篤忠孝蒞政公明懿行嘉言難於盡錄著有題稿若干卷巡倉政畧二卷按治南畿政畧若干卷經理馬政事宜二卷靜可詩文集若干卷悉



成一家體裁長子清嘉靖乙酉舉人次子潔嘉靖  
丁酉舉人

舊志

蔣 澤嘉靖歲貢平樂訓導纂修府志卒祀鄉賢

唐 相正德間福建連江典史明於折獄或以勢挾

之相曰以位雖可挾以心實難挾流賊入縣率兵

擊之而自出諭賊賊遂退嘗築湖閘有功民歌之

曰唐公爲我興水利事既竣兮我不費思昔劉鞠

二公兮不過是

福建名宦志

蔣正元嘉靖中以歲貢授浙江新昌知縣民稱爲蔣

父倡創義倉以賑荒申除斗級之害遷藩府長史

值寇亂以身蔽王遂遇害

浙江名宦志

灌陽縣志

卷十二

列傳

三

吳國藩萬歷丙午舉人四十五年署欽州學正端方

正直一時士子皆宗之掌州篆廉明有斷興革深

洽民情如新舊學遷明倫堂招致賊首黃月明皆

善政之大者尋擢西寧知縣

廣東名宦志

唐世輔天啟間黃巖知縣時里役苦於解餉下車卽

革去以官封運解歲省費甚多

浙江名宦志

戴之聘號葵衷篤學有文名萬歷歲貢授普寧令有

善政骨鯁不事逢迎改授益藩理問校尉有不檢

者以法繩之忤王意遂拂袖歸杜門著述教子窮

經子明聖登戊午經魁歷官戶部主事以清節著

明徵登天啟甲子賢書隱居不仕聖子宸眷登崇



頑壬午亞魁人以爲厚德之報云舊志

蔣佳徵號虛舟夫啟甲子舉人崇禎中知南京盱眙

縣事有聲縣故無城徵知賊必至訓民爲兵十年

秋賊果來犯設伏要害親率兵往誘賊死者甚衆

賊怒環攻之力戰死母聞之亦投繯死兵部議贈

奉訓大夫尙寶寺少卿未幾巡按御史言徵子忠

母義宜賜諡廕以植倫常乃建表忠祠并母奉祀

明史忠 乾隆四十年 賜諡烈愍舊志

附盱眙人徵字五休號懋德一號虛舟廣西桂林府

公諱佳徵字五休號懋德一號虛舟廣西桂林府

灌陽縣人天啟甲子科領鄉薦父抱一公己未貢

也父兄佳弟登戊午解元弟佳衡廩生侯蓋家仲

笑做秀才時每志任天下於崇禎丙子秋選任我

飛詭以賢士壤硿瘠迎送衝煩公廷多匪人飽旁竊致

考成此固難於治也侯抑不得其人以治之而非

困噫之果難於治也侯抑不得其人以治之而非

地者老談爲之補偏救弊一車虛心聽覽納薦紳論

大故不輕加三尺而左右之無良者率重懲之其

聽政時堂上風清侍役屏立閒有亂一一步擡一

即阿責馬侯親民而堅讓居官固已得大頭顱矣

盱錢糧之積弊在總書總書受富者之賄輒將錢

糧嚴派富者每種無糧之田而貧者苦之授以易知

弊糧嚴派富者每種無糧之田而貧者苦之授以易知

規每僉數銀審較刻成書一垂星日各戶大焉計

保戶飯米排新役先認保戶錢糧分毫未上先計

如故其利有保戶私費不約用米百餘石欠

甲餘此一番費用完課此弊首爲革除勸里

正課而各里之困稍甦矣時省此客雜處法以甦

費者每置膏產而無差候立外郡當差之客雜處法以甦



灌陽縣志

卷十二

列傳

五

土戶役使均平且以驛站衝繁輪蹄如織馬戶莫  
 能支侯於正額之外量幫之詳示以告遠近無不  
 誦仁人之下鄉索詐酒飯此弊絕不使動至數十  
 雞犬不寧矣侯悉此弊絕不使動至數十  
 亦諭令本集鄉約地方自自行回報各集安然而  
 人之戴德者無不尸祝之至於日薪米與小民  
 平買不立官價錢糧止完正數不取火耗罰罪除  
 備賤外未嘗多及斗石嘗徵漕米餘即充遠餉毫  
 不自私也侯之操誠冰清雪皎矣任方數月仁聲  
 遠播嘗至郡中郡守賢不置而十八州縣有蔣青  
 人之輸服郡守稱賢不置而十八州縣有蔣青  
 之誦又八但一邑碑已也旰無城民散居山麓  
 值崇禎八年賊犯中都山邑鄰震自恃以無恐者  
 蹂躪鳳和百姓連歲逃避然官吏可邀以無格也  
 火未及及則州縣原不相代何協焉倘以淮流  
 蹙然曰長城如遠距他方將若何亦相率而走  
 尺欲作守吾土耳一日屬我塞散巷於街道中  
 今惟死守三四下矣余意阻塞散巷於街道中  
 道刊書日守三四下矣余意阻塞散巷於街道中  
 鞏作柵賊至堅閉地外人執戈以距其中余帥  
 兵持矢石火炮以距地外人執戈以距其中余帥

喜其保障之得法爰是各地方置簿命鄉耆掌之  
 論詞捐俸金以倡百姓俱鼓舞舞捐資擬置磚  
 木鳩工無何而寇環於疆緩不濟事矣時崇禎十  
 年七月二十二日也侯下令曰余守此爾百姓願  
 者聽遂率壯勇把總李枝望鄉兵三百五十名結  
 營第一山巔以拒賊直指梁公雲構慮其單調浙  
 營衛營兵佐之晝則偵探聲勢亦潛遁數十里  
 不暇備沐者數日賊偵探聲勢亦潛遁數十里  
 侯於軍務稍暇惟清算新舊錢糧必死存不留  
 書記令吏移貯州城侯之志自必死存不留  
 國帑以貽代者畢口實至二十三早獲哨賊四  
 人縛送直指見之拜辭其母慰勉之躬擐甲胄  
 密諭家人於櫬中置文房之具蓋欲疏奏上帝以  
 殺賊也登舟將薄營矣侯曰此行眾寡不敵誓必  
 大報朝廷胡門將薄營矣侯曰此行眾寡不敵誓必  
 死報朝廷胡門將薄營矣侯曰此行眾寡不敵誓必  
 革也飛馬至營見賊數萬蜂擁蟻聚相峙僅數  
 忽紅衣賊渠躍馬前呼曰打死仗活仗死則交  
 鋒生活則我撒銀錢放一兵所去路無傷賊之  
 偷生之故智而今日之兵所去路無傷賊之  
 侯大怒發矢十餘射賊眾大潰退數里我兵火  
 死從賊數十餘射賊眾大潰退數里我兵火



灌陽縣志

卷十二

列傳

六

將弁紳士輩方  
卜日從事云

楊 淮號宋莊明嘉靖壬子舉人丙辰乙榜江西宜

黃知縣蒞任築城垣修文廟興學校招兵守治保

全地方癸酉鄉試分校得元餘多知名士復倡修

邑志士民戴德建生祠入名宦以父鑾年九十七

歸養 舊志

楊 清字守一鄉賢整長子性穎異所習書經不從

師訓能自解悟凡典籍過目成誦旁及四經兼通

天文地理韜鈴陣法年十九中嘉靖乙酉科亞魁

屢上春官不第因考捐世遂以諸弟成名為己責

設教嚴肅以師道自任課第成立中鄉科者二曰

以一當十時賊屢犯屢敗相持自已至申我營屹  
然不動惟侯平日之慈惠臨敵之義勇沁服人心  
非惟不動惟侯平日之慈惠臨敵之義勇沁服人心  
箐赤焰不敵散兼亦不忍散無何天欲禍我營大殲  
士卒侯持刃殺賊無可放賊乘烈燄突破我營大殲  
都司王寅陳震亨鄉壯把總李枝望陳希禹以及  
伍伯陳光耀侍吏鄭漢皆枕藉左右生相相依侯  
忠感也賊遂火燬縣署民居百姓攜眷避難惟北  
者見山頭陣四至勇敢數十輩拚死過河持挺逐  
之賊驚大兵四至遂遁去次日直指檄官飲公顏  
色如生萬民哀痛柏臺潔祭一壇拜而哭之此旌  
忠成美之殊遇也題贈侯仍於治座呼士馬人  
始歸家葺治煨燼夜聞侯之始知侯英風浩氣充  
塞兩間其靈應從余追殺之不散也月誰殺蔣和  
被虜潛回者云賊挺身而出賊口下令曰清廉縣知  
縣者受賞一者隨斬以殉侯母難且時寄金以濟用  
誰命汝殺之隨斬以殉侯母難且時寄金以濟用  
子侯父抱一若此忠義一門克稱昭代軼事矣不肖  
之取侯之功德見聞最確者立為特傳以俟採風  
之君子至於建祠安靈請祀名宦配祀胡公並兩



濼曰淮食廩餼者二曰濬曰灝入膠庠者二曰澤  
曰涑受業門人如王州古之賢徐雱尹尙賢楊雲  
材張孫振俱登賢書而州以乙榜典試閩中振以  
甲科洊歷太常皆清所造就也中丞施公一德見  
清品端學優聘居西席者二載著有山林雜感集  
傳世惜年僅三十八而卒塋丁塘父墳左側娶徐  
氏係開國勳臣中山王達曾孫女聰慧賢淑先清  
二年而逝與清合塋焉

文 偉字慕周洪武丙子舉人丁丑連捷南宮官工  
科給事性剛介不阿中貴因外補海康知縣政簡  
訟平士民悅服後蒞金溪縣有陋規爲貧民害下

灌陽縣志

卷十二

列傳

七

車裁之貧民樂富者咸憤偉遂辭職歸隱云

徐 衍明嘉靖甲午舉人南直宿遷知縣調補廣東  
始興知縣後於嘉靖丙辰年卒於惠州公解年僅  
四十有五知灌陽縣事碭山黃仁撰其墓誌中有  
政聲芳行題陞太守卓異引見清正端嚴人咸思  
慕勿諉云

文王輔字四友登天啟辛酉賢書供職京師官內閣  
中書秩滿遷職方員外郎歷任杭州通判蘇州同  
知温州知府所至政聲卓著擢温台兩府錢鑄道  
兼浙江按察副使清刑慎獄人罔稱冤因老解組  
歸里修族譜一卷姑蘇文相國震孟爲敘之



唐世熊號曲水萬歷乙卯鄉薦授富川教諭升翰林待詔崇禎初歷吏禮二部司務兵部武庫司郎中轉永平知府甫下車見居民半燬村落邱墟極力撫綏民有起色九年秋永復困於兵熊捐俸賑救全活者萬餘人會宦者高起潛督邊聲勢赫奕監司以下莫不膝行惟謹熊獨長揖不屈大拂其意後敘功應優陞僅移山東鹽運使十二年正月濟南城陷熊守西門死之巡撫王觀光上聞有旨優卹崇禎十五年督學王景明檄祀鄉賢乾隆四十一年賜諡節愍

舊志

唐世照號伯闇萬歷壬子舉人幼孤奉母以孝聞仕

灌陽縣志

卷十二

列傳

八

饒州通判改雁門關守以邊才受知督府題署代州三年實授蘄州廉敏有吏才士民愛戴時西川流賊張獻忠犯楚江黃騷動照設立三關募敢死士守禦閒發伏兵屢殲渠賊城賴以全在任八年卒民歌思之祀名宦崇禎十五年督學王景明檄

祀鄉賢

舊志

時言號雲陽萬歷乙酉舉人丙戌乙榜進士授湖廣上津縣教諭陞江西安義令道過南直廬江祭掃先塋時田廬人口皆爲虎里鬻盡乃鳴縣贖回被徽仇賂鹽院論降蜀藩都事時播州楊應龍反言具平播方畧十事上中丞李化龍俱嘉納之委



除戎器剩銀一千兩繳還公帑及平敘功蒙欽賞銀十二兩敕見任者進階一級陞滇之永平令二年解綬僑寓大理下關遊心玄理飄然遺世

時敦中號厚子萬歷丙午舉人選江西南寧都知縣陞雲南鄧川知州所至有循聲御史陳于廷特薦之其薦語則曰明同朗月潔比秋霜聽斷照及覆盆徵輪法嚴手鏡紀實也祀鄉賢

唐允中字闢洪登萬歷己酉賢書其父唐子繼鄉里推重允中歷官廣東提舉黃州府同知屢膺薦獎升建昌知府乞歸養親父九十四歲卒哀毀過甚歿崇禎十六年提學余朝相檄祀鄉賢孫象益舉

灌陽縣志

卷十二 列傳

九

康熙丙午解元元孫宜甲舉壬午賢書子孫蕃衍迄今四代列紳衿者四十餘人人以爲世德之報云

舊志

陸經術字仁敷萬歷乙卯舉人賦性端方歷安仁臨安令以吏才薦陞北城兵馬司指揮轉戶部主事剛直忤宦官調綿竹令值流寇破川西經術加築城垣百計堵禦城賴保全收活流民以萬計敘功陞成都府同知加授川西兵備僉事以憂歸士民泣留建祠以祀提學余朝相檄祀鄉賢

舊志

李高字仰之號古臺仁壽里人正德癸酉舉人嘉靖二年進士爲南臺御史時元城令張好古收泰



和伯陳萬言家屬治之萬言藉寵白之上因遣官校逮好古下獄高率諸御史上奏曰昔漢馬廖慮美業之難終三致意於宮中四方勸成明德號稱賢戚漢光武不以姊湖陽公主之故加怒洛陽令董宣史臣稱之願陛下釋好古復其官勸諭萬言追蹤馬廖不失賢戚之名不但元城人式歌且舞天下必傳誦無窮已奏入下法司好古獲免人以高一疏婉切有體云

文載

鄧

綸上四保人天順乙卯科鄉薦授湖廣湘鄉縣

知縣作興學校勸課農桑適遇旱綸教民築塞陂堰創造水車四境沾溉至今湘鄉之民咸利賴焉

灌陽縣志

卷十二

列傳

十

以親老乞歸終養民不能舍立有生祠復祀名宦戴宸眷字瞻五崇禎壬午舉人是科榜發全州售者二十四人灌陽統於州售者四人會有詔試騎射兩主司及監臨使者坐教場所舉五十八人盛服乘騎弓韞服矢插房以從士女傾國往觀比試中者四十有囚人而全州張昌亮灌陽戴宸眷尤勝觀者皆咨嗟歎息後三年乙酉閩廣亂灌陽兵變宸眷迺死於難云

見謝良琦醉白堂文集

清

唐之柏字長卿號松交昭義人順治丁酉舉人幼穎悟經史詞賦靡不究心宰漢陽均徭平訟除盜賑



饑政難殫悉尤喜修學課士分校多得名流值滇黔之變軍興旁午糗糧舟車戈矛繩鐵之屬莫不咄嗟立辦不以銖黍累民蕩平後陞南安州牧邑中歛錢助行却不受大僚以柏有幹材調昆陽招集逃亡課耕勸讀擒賊魁贖難民政蹟丕著戊辰丞京兆尋擢戶部員外郎監督海運倉出納不苟再擢刑部郎中慎覈爰書獄無冤民上官倚重之後致政歸里恂恂謙謹惟以訓課子姪爲事足迹不入城市知縣牛兆捷聘爲鄉飲大賓士庶咸稱爲名實相副云

舊志

唐象益字受人號東園少有雋才工翰墨衡文諸當

灌陽縣志

卷十二

列傳

十一

事見咸異之未幾果中丙午鄉試第一自是才名愈著選湖廣湘陰令三載中丞丁公以下交相獎薦後稱疾告歸優游林下咸謂未竟其用云

舊志

唐納牖字白生號省庵山東鹽運使世熊次子也七歲隨父宦京師肄業十載經史文詞靡不博洽同宦先達咸奇之及父殉節濟南納牖年十九哀毀伏闕陳情皆出至性崇禎十五年就童試輒冠多士旋食餼清朝定鼎登丁酉賢書己亥考擢司李職後奉旨裁法司李改授河南虞城縣知縣精勤慈惠任兩載以河決被議虞城人愛戴之攀留不克歸里適際逆變孫延齡屢檄逼仕納牖不受



職著有洪受堂詩文集手錄本邑志稿遇公事關  
乎邑之利弊者力爲當事請命梓里多有裨益康  
熙二十二年巡撫郝公浴徵修省志賜額曰三江  
文獻舊志

文 經字變臣犀心猿貌卓有異徵康熙癸卯舉於  
鄉授湖北大冶知縣政聲藉甚稱循吏云

時 樞字密臣鄉賢敦中孫廩生正煜子官河南儀  
封縣知縣廣東聘爲同考試官自幼失怙刻苦勵  
志築室雷祖山講學數年後登賢書以大挑分發  
儀封蒞任甫半載卒於官廨士民悼惜之其姪鄉  
賢之華官福建扶櫬回籍

灌陽縣志

卷十二

列傳

十一

時之華字茂超康熙癸酉經元授福建浦城縣知縣  
著有詩集入祀鄉賢舊志

翟振岱字山宗康熙甲子舉人授廣東信宜知縣初  
該地水利未興饒田病旱者無數振岱親詣勘驗  
教民修源築壩儲水作車水利因之而溥乙酉充  
同考試官所得多知名士在任數年政簡刑清口  
碑載道擢欽州知州信邑民追思德澤錄其政績  
請人名宦及抵州任岱三子于疑才學雋敏力勞  
應務綽綽有餘旋抱西河之痛遂淡於仕進稱疾  
告歸

陸生楠號公榮康熙乙酉舉人雍正初選江南吳縣



因奏摺中有浮詞世宗於引見白詰問數條生楠  
懣不對世宗意其有才也扣缺以工部都水司主  
事試用令其在京辦事學習尋又革其職發往軍  
前與謝濟世同効力七年七月丙午順承郡王錫  
保參奏內有細書通鑑論十七篇抗憤不平之語  
甚多世宗諭令內閣九卿翰詹科道秉公定擬具  
奏嗣將生楠軍前正法先是七月辛丑日錫保曾  
以毀謗程朱參奏謝濟世世宗賢明猶能宥之及  
是生楠歎麗重典人咸謂非錫保之誣奏罪且不  
至是云雖然生楠之罪世多原之觀謝公所著陸  
水部出塞記則其人可知矣近代有捫蝨談虎客

灌陽縣志

卷十二

列傳

七

顧猶豔述其事謂以論前史而獲罪者自陸生楠  
之獄始自茲以往非惟時事不敢論議即陳古經  
世之書亦不敢讀矣此真歷代文字獄所未前聞

也詞雖偏宕錄之以俟修史策者採焉

附全州謝觀察齊世

所著陸水部出塞記○記曰陸水部有罪從軍塞  
外單騎至歸化城賃駝有趙姓以二駝應一乘一  
載行李既又曰君無僕與我三駝價僕我水部如  
其言立券受銀將行其一駝以馬代曰駝上下難  
馬易是時駝價四倍於馬水部知其給也私自念  
若貪財我貪路路行矣駝馬何擇焉遂行行一日  
趙謂曰一人難兼二役牧與炊君擇一水部領牧  
又數日稱疾水部效且牧由是屢稱疾坐食夫坐  
食無責矣一日孟有宿餐冷熱半撥熱者去曰我  
不價冷食水部笑曰汝介休人亦不慣耶饋而自  
食之又十餘日食無肉罵水部伴不聞罵甚及所  
生水部正色言曰吾縱不才曾忝朝籍況年倍汝  
汝何至是詹曰跪罷即民耳老死去來螻蟻引領  
久矣尚以此傲我乎罵益甚水部掩耳走是夜至



牧所坐草中雪紛紛下追憶昔時歌鹿鳴登玉陛  
在家妻孥相守出門童僕相隨今破帽敝裘晝行  
夜牧搗蹄泐飲拾馬通炊膚裘肌消手龜足戰又  
不幸為鼠子所窘辱不覺涕泗交頤仰天太息日  
念日吾奉命從軍此非吾死所從此垂頭塞耳籍  
口凡歷兩月始至趙繫馬汲且炊水部意其追悔  
也及炊熟自進麾水部曰既至吾事畢矣汝去有  
登州于大漢者揖水部而進之曰傷哉貴人失路  
若此吾家可主不費一錢也水部感其德是時橐  
中尚餘白金一錢傾付之未幾主人  
席捲去遂以岐黃術寄食於營中

文大漳字葦杭號清泉有文名康熙癸巳鄉薦連捷

進士翰林院檢討丁酉庚子順天鄉闈分校得士  
皆知名門下送楹帖云文心直擬蓬萊島筆露頻

沾桃李蹊志不忘衣鉢也

舊志

王景昭字德遠生穎異登康熙丁卯賢書山東陵縣

灌陽縣志

卷十二

列傳

十四

知縣興利除弊盡心民瘼士民感德製錦頌之以

疾歸

舊志

卿 悅字季兌號嵩年康熙壬午解元戊戌進士授

翰林院檢討職館八年保舉吏部驗封司郎中悅  
性謙和質直好義邑人陸生楠為工部主事罹刑  
為斂骸骨歸付於家同鄉凡靈柩在都不能歸里  
者無不罄力相助相國陳文恭常舉其氣節以告  
同人善籌策部務每裁決悉中窾窾堂官以下咸  
倚任之有相臣為妾請封已有成命悅引典禮裁  
抑之以是直聲震京師上亦目之曰忠厚因是自  
書一聯曰迂疏愧負人推許忠厚欣承天品題紀



實也上既知公方嚮用以江右學使命下而卒貧不能歸喪賴同鄉少司寇楊嗣璟周章得歸葬之尹相國文端公及文恭公歎慕其賢德遣人來家弔奠焉舊志

王振儒字以道號行素江口師說子幼慧習父所著禮記集觀爲文典贍康熙辛卯舉於鄉有才識遇事敢言邑中舊有值年之役吏胥侵漁擾累闔邑苦之振儒委曲請邑尹謝謀除之俾數百年之困紓焉邑呂姓有僕孫名唐德清者家尙富時朝廷詔設農官德清賄冒充又令其子與童試令將收考振儒援例力爭乃止嗣授河南林縣知縣胥

灌陽縣志

卷十二

列傳

十五

吏徵收剝民振儒置權衡於公所聽納戶自行較封書吏惟會計而已弊既除積欠者咸踴躍輸將官聲大震朝廷頒漕州縣以備賑振儒以秋貯春發恐霉爛設法教民備之漕果無損上憲廉其政善惜捐館於林署舊志

蔣鑑字鏡羣號石溪乾隆辛酉舉人安徽含山縣知縣性友愛已有子庭濟更請兄季子庭溶爲子曰弟僅一子兄乃三焉今分其一兄弟不適均乎此可以徵怡怡矣在任有惠政民以父母愛之嗣歸造橋名含山以利行人至今德之舊志

莫應斌字士雅號仲敬受庭訓勵志潛修登康熙癸



西賢書辛卯授直隸懷安縣知縣邑學校不振斌  
至留心教育紳士涵濡德化蒸然丕變康熙五十  
四年西陲軍需旁午兩驛大差入旗師旅絡繹於  
道備鞍運米出塞履霜冒雪調度咸宜一毫不累  
於民五十七年擬兵部職方司主事授工部屯田  
清吏司主事直內閣會典館纂修總內外任咸稱  
厥職誥授奉直大夫致政歸里恂恂謙約捐祭業  
以祀先人訓子姪以積實學子十人得議敘四贊  
序廩餼四國學二嗣孫繁衍克繼書香可以徵世

澤云

舊志

卿 彬字雅林號永瞻歲貢生六歲孤孝心純篤結

灌陽縣志

卷十二

列傳

其

廬墓側隕泣焚香奉侍此永瞻之所由名也母多  
抑鬱並迎居墓側疾服藥不解帶歿常依倚靈帷  
坐立處至蹴成深窪不知食味不辨日月旣免喪  
以課兒註經爲事然多居墓側閒家居靜夜亦獨  
出佇望墓所祭則必誠必敬每歲除必分所有以  
給貧苦稟性純粹理悟精微著有周易貫義洪範  
參解律呂參解楚詞會真古詩十九首註千字文  
註戊申長子祖一領鄉解辛酉大挑一等試用廣  
東署東安縣迎養彬作官箴十條皆興利除弊有  
益於民者嗣署海豐聞有圖吉傷母墳者悲悼成  
疾卒兒輩思之爰繪墓廬圖壬戌三子祖培成進



士人詞垣名流見其圖多題詠安化陶雲汀爲具  
呈請又鄉賢志舊嗣於光緒八年督學秦澍椿照國  
史館移會本館具奏續辦儒林文苑等傳澍椿咨  
本縣造具清冊並彬著述請編入儒林傳蒙 恩  
批准洵異數云

蔣學元號魯菴質既穎異復好學由明經司鐸思恩  
慶遠陞大平府教授代崇善縣事年老解組生平  
著述甚富詩古文辭俱有註釋如田稅積弊說辛  
苦實錄敘明季練餉之重煩及家庭之流離甚悉  
念前清本邑無志康熙四十六年承邑侯單此藩  
聘總纂其事不以年高而憚摺輟越明年戊子書

灌陽縣志

卷十二

列傳

十七

成因積勞尋逝年八十有五

蔣振芝號鶴洲舉人起元孫也年二十一歲登康熙  
乙酉賢書知江南石埭縣事以親老解組歸隱年  
四十而卒陳克繩贈羨羨歌辭有云仙源養望雲  
煙活閒處經綸花鳥樂長歌短韻不計時晴雨兩

樽隨意酌

翟士烈字承謨號鶴亭有至性幼失怙恃從師讀敏  
甚爲文單心精微年十七補弟子員二十五登乾  
陸庚子賢書以祖母年高不赴春官潛心性理諸  
書於宋儒尤推尊周子謂其資純粹聞道蚤也平  
居講授務在明理以敦品爲實踐而體貌恂恂不



以賢智先人初翟氏宗族積猜嫌素不相能烈心  
痛之然皆諸父行勢無如何委婉勸導每至涕泣  
長跪自搥久之怨遂釋甲寅會試報罷北旋適同  
邑王汝寬中途病故醫藥棺衾經理備至復籍記  
其餘資秋毫不苟士林聽之遞截取雅不耐吏事  
呈請就教選宣化教諭到任諄諄以理學爲誨諸  
生共慶得師任五年卒於官羣痛惜之舊志  
李紹羽號步雲乾隆舉人江南石埭知縣歷署太平  
青陽等縣丁艱後主池州廣陽書院講席兩年歸  
之日皆以詩詞挽留滿道爲之稱頌

唐

鵠字振萃號松泉乾隆庚子舉人山西屯留知

灌陽縣志

卷十二

列傳

六

縣端方正直履潔懷清家窘舌耕爲業訓迪有方  
館清湘蔣宅數年景慕者每歎無坐處及從仕志  
在利民嘗曰今之爲政者率以三八日收詞豈  
朝廷定此例耶設民有急寃必待四五日乃伸爲  
民父母之謂何因大開閣門任人隨時入訴近者  
立審結遠者限一二日久之幾至於無訟民呼曰  
唐青天循聲達於省會時當道尙逢迎鵠節峻不  
爲謂我不取下一文那有一文奉上或以遠地若  
差難之鵠曰此其分也該縣向多雹損人物鵠精  
誠禱於天雹亦爲止民謹曰我青天又得禦雹法  
也益感戴之戊辰分校得入山西士在都相語猶



稱唐青天云

舊志

卿敏德字觀成號雲亭乾隆庚子舉人梧州府教授兄弟三人父如葵歲貢生選訓導未赴家貧甚不能盡教讀命牧牛乃攜經書置懷中取讀夜無油拾人遺茶子易之照字功刻苦能耐饑寒肄業秀峯以瓦罐熬粥計偕及赴挑不火購燒餅食初補富川教諭該俗有與秀才訐訟者多質於學官入鈎金錢五六百向以爲利敏不受但委曲勸諭而還其牘或謂之曰可惜你做官有現錢而不知取也敏笑應之曰可惜你能善取錢而不得做官也時同齋分財每多自取而少與敏弗省也子以告

灌陽縣志

卷十二

列傳

十九

訓之曰我與若官一也彼之子弗能讀父書坐而冗食爾幸傳家學歲授生徒計所得脩脯足以相償斯已矣其襟懷恬澹如此平日接人天真爛漫無智愚賢否皆愛敬焉次子祖勅甲寅科孝廉惜先敏十餘年卒

舊志

卿祖一字六成號西坪鄉賢彬長子也生岐嶷五歲能通經語夏月食苦瓜曰自我不見于今三年相傳爲美談讀書依父訓刻苦用功嗜經書不閒昕夕戊申場務畢次晨輒讀舊知翟士烈探視聞書聲初以爲他人而不料卽一也勤讀若是揭曉得元年二十二乙卯隨同人計偕坐江山船浪花擾



擾每食同人援以爲樂一恥之攜一簞至船頭獨食蓋玉界尺不以微瑕玷也其品行類如是辛酉大挑掣廣東任東安海豐令鄉賢作官箴十條奉行有循聲坦園五泰以翰林任知府至海豐贈詩云教孝作忠根祇事學使朱虹舫題鄉賢廬墓詩云嶺表尙留循吏澤此可以知其政矣惜接丁內外艱悲傷過度喪未闋輒抑鬱而卒舊志光緒八年入國史孝友傳

卿祖廕號鯉泉鄉賢彬仲子恩貢生學粹品端居恒以聖賢自期一言一動非禮必嚴其制藝力追先正不尙揣摩形似家言尤精於詩古文辭有觀瀾

灌陽縣志

卷十二

列傳

二十

集家藏嗜琴工書其父鄉賢公著有周易貫義廕寶之乃繕寫十餘部心細如髮不遺一字道光甲辰邑令蕭煊聘主龍川書院講席總修縣志諸傳記多出其手晚年課生徒務崇實學並痛戒以世俗儂薄之習一時遊其門者率多正人端士語云經師易得人師難求兼斯二者舍廕其誰屬哉光緒八年入國史孝友傳

卿祖培字錫祚號滋圃鄉賢彬三子嘉慶辛酉舉人壬戌進士入翰林幼讀書穎悟過人博通淹貫尤嗜力經書終食不離嘗手錄十三經攜帶爲文多精微深刻十六歲入庠食餼辛酉由拔貢聯捷選



庶常癸亥聞父卒奔喪接丁內艱家居主秀峰二  
年及散館授編修屢邀 聖眷爲協修纂修者數  
次丁丑會闈分校得士皆知名及入諫垣也奏嚴  
竊盜以安善良禁賭博以清盜源申教法以端士  
習除積弊以裕民生等事由是晉工科給事中轉  
兵科掌印給事中授內閣侍讀學士旋授太常寺  
卿派稽察右翼覺羅學向師多不宿館培令館宿  
日與諸生言學一日二十餘人蓄疑就質諸生感  
激以爲得未曾有詎務繁勞過以疾歿諸生痛哭  
計自辛未至壬午每事必盡職惟勤於國家利弊  
民生休戚人心邪正政治得失有所見悉以上達

灌陽縣志

卷十二

列傳

三

惜未罄學問以抒經綸而遽逝也

舊志

光緒八年入

國史孝友傳

唐國玉字瑞節號潤卿乾隆乙酉選拔庚寅 恩科

舉人七歲失怙叔父學一延師教之讀及長產旣  
析學一以拔貢試用湖南州判歷署州縣多賠累  
將玉產變價填補無吝任懷遠學博見士林墓親  
從陋俗力懲之風稍變以母老告養回籍十二年  
卒子逢年恩貢生孫紹宗歲貢紹容舉人

舊志

唐滋椿字壽宇號思齋乾隆甲午舉人學博品端任  
廣東信宜縣知縣署崖州知州實心實政士民感  
德於崖署之文昌閣立長生碑刊政績紀

舊志



時仁民號均沾歲貢之芸子乾隆甲午副魁授柳州  
雒容教諭學問淵博解組後疊主龍川講席一時  
文士仰之若山斗云著有習靜山房詩集四卷

劉永燿號見南好學工文中乾隆壬子經元選授永  
淳教諭課士以經學士多興起始有登科第者

劉永代號芸亭乾隆戊申副榜遊京師入國子監肄  
業三年受知於朱文正珪劉文清墉嘗列前茅或  
第一嘉慶甲子北闈幾中式以中皿額滿見遺特  
授昭平教諭敬慎修身士林咸仰

蔣植槐字祐庭號錦林幼襲父業儒下帷攻苦中乾  
隆壬子舉人爲文浩蕩因事育計教讀於柳郡有

灌陽縣志

卷十二

列傳

三

名者多出其門計偕二次不第房師涂聘主西席  
兩年及大挑赴全倭以疾卒生平不飾詞不越矩

蔣庭濬字深甫號邃菴乾隆丙午科舉人思恩府教  
授敦行孝友持己端方伯父鑑歿一年中子庭濟  
夫婦相繼歿遺孤槩六歲濬扶持禦侮賴以保全  
訓誨督率槩得成名庶母弟庭澇襁褓中父命出  
繼總服第家甚貧濬分田與之庭澇得生理小康  
皆濬賜也族黨每欽仰云

舊志

蔣作梅字汝和號念亭乾隆五十九年舉人嘉慶元  
年進士四川南川縣知縣資穎慧家極貧父恩貢  
生榮芳挈徙大山魯草塘耕讀缺膏燭命梅采樹



皮夜燃以照讀數年爲文警拔工於歌詩摹倣名人書法咸得其神韻十九歲童試冠軍五十九年大比補歲試應科試均優等接舉於鄉次年成進士家居七年掌宣城書院湖南營道書院功進學富暇則習騎射銳志功名嘉慶九年選南川勤敏政事訟至立決歷一年囹圄爲空自是捐俸修路造橋廓學宮纂邑志置書院膏火卹里閭孤窮士民德之復捐白銀三百兩本邑龍川書院得以告成有補於通縣可謂事無不美矣

舊志

戴宗智號明萬乾隆歲貢食餼時學使者超取一等第一名聲大起負笈而從游者至牆舍不能容一

灌陽縣志

卷十二

列傳

三

時登賢書者多出其門因設教荷齋遂以荷齋名其詩文各集云

蔣國修號治臣年十五方讀書勵學三年卽補弟子員旋補增生因親老子幼息意科名主持家政性節儉好勤作尤善經營家中一切產業皆其手置處世尙公平是則是非則非不欺己亦不欺人至於樂善好施始終不渝鄉里老成猶津津稱道弗衰者嘉慶閒葺邑城垣協力襄事清正無私縣主題其門曰文明剛健人比之月旦公評云

陸灼字亮廷邑增生品端學粹孝友肫篤父舉人生椿因胞兄生楠官水部剛直觸權姦怒謫戍死



歸化城悲憤而卒灼痛承父志妻死不更娶寄養幼子於外氏齒積館穀孤身萬里瀕死者再竟達戍所歸化城將軍疑灼非水部親屬不允其盤柩灼攜水部二幼子歸鄉里請得本省大府牒文復往塞外卒負水部骸骨歸塋先塋嗣水部二子相繼亡灼捐貲爲水部置祭產撫服屬承祀其孝義有能人所難能者邑令濮啟元創建文廟知灼公正饒材畧徵灼總理費省而功倍闔縣翕服子振基舉人湖南慈利縣知縣孫錫祐副貢直隸直州判錫祺拔貢四川彭縣知縣曾孫汝黼進士戶部郎中汝黻廩貢江西太和縣巡檢元孫樹蘭直隸

灌陽縣志

卷十二

列傳

十四

新城縣巡檢樹藩副貢象州學正來孫炳璧拔貢湖南綏甯縣知縣簪纓接踵咸謂由灼積累所致云

陸錫璞字琢之嘉慶十二年鄉試第一道光元年舉孝廉方正不赴由大挑教職截取選授湖北松滋縣知縣性孝友母年高偃僂背負以行長兄中年目瞽嘗舌舐以求復明令松滋日嚴剔漕弊督修河堤倡葺文廟治枝江亦如之歸田後出所餘修宗祠資族人婚嫁里鄰無告者竭力周卹咸豐間土匪猖獗先後捐糧躬冒矢石爲團勇先閭閻賴以安堵嘗纂著七經精義四年卒入祀鄉賢

省志輯要



蔣卜德字勉之號瑤圃其父倬性篤孝能詩偕弟倬  
隨叔父式瑜永清任倬肆倬謹永清鍾愛倬送入  
監肄業倬拂意偽致信云母故倬得書驚痛乘驟  
涉春漲中衣襟盡濕受寒疾至署疾篤尋卒時卜  
德方四歲幸生穎異少好學亦嗜詩浸淫於古詩  
唐宋諸家出語驚人書法亦好古不落尋常蹊徑  
乾隆壬寅甫童試以詩冠軍季父梗仕蘇州元和  
諸縣卜德絕意名途奉母就養姑蘇胸襟洒落眼  
界較寬與名流唱和詩益工復善琴嗣季父陞沙  
廳丞遣卜德修祠墓嘯歌山水官紳仰其賢求詩  
求書者日滿戶所著有懷忠堂全集刪詩餘草諸

灌陽縣志

卷十二

列傳

五

書銀臺張鵬展選嶠西詩鈔聘之鑒定邑卿鄉賢  
史明經尤深契之故皆以詩傳云

舊志

戴銓字萃廷號竹樓邑增生爲人溫厚和平閉戶  
篤學不干外事不履公門學中人嘗以澹臺子羽  
方之其父紹元爲武科榜首囑銓日望我後人讀  
書勿習武銓承父命於家塾課讀極嚴密子姪十  
人皆有儒士風姪汝淳中乙未亞魁子汝漢登癸  
卯賢書淳之座師翰林院修撰汪朗渠以淳出自  
銓家訓因贈承先啟後額誠實錄也

舊志

周文正仙源洞人鄉賢卿彬爲之傳曰居今世而欲  
樹丈夫之義盡人事之當然自非遺世俗之非笑



而斥辱之不可得也此非丈夫之行詣高而累俗  
蓋風俗之變離既久少見中庸轉資駭異也吾邑  
周君文正非古所稱志潔行芳者哉居恒入孝出  
弟勸遵禮法居喪三年食餽粥枕寢苦塊未嘗見  
齒有來弔者於其去遠也遙望而叩謝之宅前當  
溪有橋買杉材者資流以運里人率衆勒取其金  
以新此橋先生阻之不得遂終身迂其出入而勿  
履也有戚某拓落不羈庠中親而比之號爲達人  
居喪觀戲先生遇而責之曰於汝安乎渠抗聲以  
安應之先生拂然徑去一時撫掌而助達人之笑  
送者十數而未有已也其鄰固多農家遇婚喪事

輒往司筆札諭其禮儀鄉人敬而愛之家貧以舌  
代耕講訓經典必令肅衣冠如對聖賢坐作進退  
繩以規矩然及門恒寡旣從游者亦祇師其文章  
而背譏其迂腐也余家遠先生居頗遠善行惜不  
盡識然觀此數者概可知矣嘗竊疑古人砥節礪  
行百世之猶聞風而起先生制行卓卓所宜薰其  
德者而皆善良矣乃不能取重於時而轉致輕侮  
卽余所得是數端於人者亦以爲戲談而傳誦於  
余也是何古今人之不相若歟余意先生之行卽  
不盡合中庸亦季次原憲之流亞也不克善俗亦  
何至負俗之累若是蓋世變異趨人心之不古也



亦已甚矣然余嘗詢諸近鄰之父老固感道先生之盛德不置是豈所謂絀於不知已而伸於知己耶蓋農人樸茂未鑿故先生以誠貺之而孚於天彼今所謂民之俊秀者皆鑿混沌以爲靈者也愛先生之文而苦先生之迂屈身事之以爲吾棄其短而節取其長焉耳彼方矜其術以取師則師之不能使之傾心於方正之道也固宜第涼德之言不見於農家而出於士子則莊生所謂儒生以詩禮發塚者夫豈過歟予憤時人之好惡不明而尤懼芳型之沒於衆口也特表而出之違時矯衆亦自知蹈於非笑斥辱之機而莫之脫也然而不復

灌陽縣志

卷十二

列傳

二十七

顧矣

舊志

唐 昌字日仲號暉亭邑庠生昇字日叔號雲階其三弟也幼業儒兄弟相依嗣昌隨父任粵東捐從九品昇則家居課讀爲人重倫常講大義凡事之有益地方者不吝貲竭力任之壬辰江華猺匪滋事下鄉老成集策防堵以昌家爲東道主嗣府憲與參將滿駐劄文市所需一切皆應之官紳咸誦其義

舊志

其義

范朝榮宋開禧進士令清湘縣有政聲由江西豐城避元亂隸籍灌陽宅坪田逮四世仕昌遷居勒塘而仕高仍居坪田

補遺



陸錫祺號桂軒嘉慶癸酉拔貢朝考第一授四川彭縣知縣實心愛民仁慈可掬歷署仁壽資陽珙縣鹽亭通江江油昭化皆有清名善政嗣由昭化回彭縣本任闔邑上復見青天額

劉象恒號莪甫邑諸生景祥子幼穎敏工文與其父同歲入庠嘉慶戊寅中經魁道光丙戌挑選一等分發山西歷署山陰高平天鎮崞縣永和長治聞喜等縣俱著政聲特授陽城知縣兼署東冶同知而陽城居太行之麓析城王屋重巒疊嶂豺狼日出噬人恒爲文禱於城隍並出示獵得者有賞其害遂絕他善政不能枚舉己亥晉闈分校得知名

灌陽縣志

卷十二 列傳

天

士居多有人詞垣者恒少嘗師事外祖鄉賢公彬與其舅太常公兄弟三人遊得所觀摩故能以儒林爲循吏先後丁艱假歸掌龍川講院二次課士以經學士有被其指授者輒掇先科以去歸田後中丞勞文毅公崇光聘主桂林宣城講院嗣因公事至晉主講平陽洪洞兩書院各二年卒於洪洞所著述皆散佚輯有灌水褒貞錄又爲外祖刊其周易貫義一書以行世板存桂垣書局

唐逢年號畚堂恩貢生品端學粹爲一時醇儒四主龍川講席皆以實學訓迪多士親炙其業者後多相繼登科迄今景仰四教堂額令人欽慕之所著



有辰遊隨囊兩江遊草二唐合編史事附識藝文  
雜俎各集

范光祺號湘南嘉慶戊午經魁由大挑授思恩教諭  
課士有方多所成就擢廣東嘉應直隸州同帶理  
平遠縣事並著治績歸田後總纂邑志著有澄齋  
瑣錄勸學勸民等錄行世

蔣柄號玉山工詩古文辭登道光乙未賢書因赴  
春闈不第日以程朱誠正之學持己訓人受其業  
者多知名士甲寅纂修邑志所著有韻府撮辨世行

何大海字涵川恩貢生為人端方厚重閭里咸欽敬  
之而尤以濟人利物爲事經史而外凡岐黃堪輿

灌陽縣志

卷十二

列傳

五

星象諸術靡不精曉授徒三十載邑中名士多出  
其門中年卽喪偶不復娶人尤難之家法甚嚴子  
宗斌已爲河源知縣大海就養督責一如在塾時  
其平日可想見矣同治丁卯重游泮水壽八十有  
五自號惜餘老人著有詩古文集藏於家子宗斌  
孫如謹

何大淮號渭川邑庠生家小康弟兄三人弟早世兄  
大海設教不視家事淮入泮後以持家自任善堪  
輿精岐黃言行公正鄉里咸欽道光戊申湖南道  
州匪首何順章嘯聚於大營堡諸村淮與唐鍾岳  
等會商練團堵禦淮曰賊方嘯聚當其未定急搗



其巢穴一鼓可散也眾曰善卽分途進撲約次晨取齊賊不意鄉團之神速見卽如鳥獸散賊平縣令上其事以功加候選州同於咸豐三四年平樂恭城一帶淪爲賊窟不敢越定崗隘一步淮棄世後是冬賊大股遂越隘寇氛滿地矣

戴汝淳號茂菴道光乙未恩科亞魁甲辰修邑志多所纂述甲寅以後督辦鄉團保舉中書辭不就職子毓椿因淳辦團時擊賊甚力賊銜之誘而副殺慘不可言幸蒙題奏入祀昭忠祠淳生平善誘四主龍川講席一時學者出其門最多著有文稿藏於家

灌陽縣志

卷十二

列傳

三

王炳蔚號華南道光甲辰經元爲人有膽識咸豐之季石達開攻撲桂林蔚迺籌餉赴援得保知縣不赴主講邑龍川書院二次復主恭城鳳巖書院亦如之至於修華山寨建衙署多所主持尤爲兩鄉欽服云

蔣樹憲號式邦咸豐辛酉恩貢性莊嚴精醫術嫻習舉業因屢薦未第淡於進取潛心講學爲務一時登科第者多出其門

翟家懋號勉齋少入邑庠冠軍旋食餼歲科試屢列優等惟歷科房薦艱於一第咸豐辛酉貢明經隨應鄉試文已入選嗣以微疵被黜親友咸歎惜之



懋却未嘗介意讀經甚專諸經中尤邃於易書法  
工顏柳行草尤佳晚年守程朱之學不預外事品  
望益高邑令何昭然聞其名聘掌龍川書院二次  
被其教育者多爲名士云

唐日華原名鎮穆號仙洲以書翰馳名由道光癸卯  
舉人授貴州玉屏知縣勤敏有幹才歷署普定開  
泰台拱松桃皆著政績陞鎮遠知府威惠兼施吏  
民畏服旋歸道員補用

唐嘉澍號沛農學問深邃中同治庚午經元署遷江  
教諭常以讀史通經爲訓儒林臆之掌恭城鳳巖  
本邑龍川兩院俱以善教得士心著有資深集補

灌陽縣志

卷十二

列傳

三

篇註釋行世半畝園詩集文集瑣記待刊

唐景濤號平江道光己亥舉人授湖南藍山知縣政  
務寬厚不事威讐調署永興持己清廉始終一節  
著有懋園詩文集行世

蔣作冠號古愚邑諸生貌魁偉績學能文舉動必以  
禮平生不作草書教人亦然其所成就甚衆一時  
名流多出其門如大營時大杭族中蔣達蔣邁蔣  
學梧蔣鵬振等皆其高弟子也家居時每徐行過  
市族中游惰子弟無親疏皆遠避婦孺屏息立道  
旁其爲人所敬憚如此爲文頗淹遲每醉後則一  
揮而就詞義兼美不加點竄惜遺稿散失鮮有存



唐廷植字萇階恩貢生世居江口市先世有遇旺者以孝廉筮仕江南未赴任卒植承家學以光大門閭爲志遊庠後假館桂林課徒而兼課子旣屢舉不第歸主龍川講院時屈咸豐王子兵事方棘省垣被圍植憂形於色語親友曰城若陷吾二孫懼不免於厄乎已而竟無恙人咸謂天相吉人云子一曰懋功

懋功號雲均道光丙午舉人幼從其父學於桂林攻苦茹淡旋亦授徒上有衰齡下有稚齒嗷嗷然悉仰館穀捷鄉書後七赴禮闈五薦弗售歸仍講學泊如也旣迺攜眷僦居京師三子皆入詞館及身

灌陽縣志

卷十二

列傳

三

親見當世榮之謂可亞於崑山徐氏云

長子景崧字薇卿生而雋爽豪氣不羣弱冠掄元後四年登第選庶常已而散館改銓部主政鬱鬱郎署者幾二十年嗣因法越構費迺慨然請纓出關不避毒霧並以恩招致劉永福使歸仕中朝崧亦以洊歷戰功獎巴圖魯勇號授台灣兵備道兼管學政加按察銜旋陞布政司署理巡撫不一年而倭事起矣清廷議割以和而台民顧奉爲民主崧迺變服越海而歸旅寓桂林閱八載卒士論惜之崧季弟景崧字禹卿穎悟絕倫書過輒記工書法名震京師入詞垣後嘗充北闈同考試官未幾卒時



入咸爲歎惋

蔣堯佐昭義鄉青岡人家世力田致富性喜施與里  
有吉凶不舉者必厚贈之毫無吝色嘗語人曰向  
聞馬伏波云凡殖貨財貴其能散也積而不散守  
財虜耳吾力雖不逮心竊慕焉嘉定十六年飢佐  
出粟賑濟五日又發廩自二月朔始至七月早稻  
熟乃已邑人賴以全活者甚衆邑丞張之才申聞  
當路乞加旌賞安撫待制真德秀檄縣於所居立  
施惠坊以旌之舊志

蔣志灌陽人赴義慷慨有請必應歲荒出粟二百  
石助賑有司爲記諸石舊志曰一節之士予重錄

灌陽縣志

卷十二

列傳

三

焉何哉去古日遠學裂而性情之德衰苟勉於力  
所能及亦足以敦鄙廉頑故表而出之見全州志

唐 沾昭義人明宏治十一年戊午歲大飢沾散財  
賑濟附近居民賴全活者甚衆邑令白其事奉詔

封義相官人舊志

時 清字太和官指揮使世襲鑾儀衛性慈祥樂施  
予食淡素征交趾十八載履險如夷及班師回衛  
計月糧二百餘石盡爲同所軍冒支欲鬻妻子以  
償清曰母子不取衛人德之

時奇能字東庄奉直大夫性剛直孝友收仲紀遺金  
待諸弟成人悉與之好賢樂施時值飢荒於衡州



糴米救之全活者眾

王家柱字殿九明崇禎八年拔貢生樂善好施精究醫術清師未到全灌一帶爲焦璉郝永忠曹志建等屯兵蹂躪民不聊生自丁亥至辛卯飢饉相仍殍屍載道家柱偕邑之好義者數輩發粟作粥賑濟飢民連年不輟兵荒之後時疫流行復廣施湯藥全活甚眾鄉人號曰王菩薩其母周氏年八十餘家柱曲盡孝養隱居不仕以壽終有子四之驥之驥之騏之騏子孫四世猶未析爨

舊志

陸經宗字泗水邑諸生有文名每試高等然數奇五赴棘闈不遇遂棄舉業寄情詩酒以自適嘗棹小

灌陽縣志

卷十二

列傳

十四

舟放浪於山涯澤洲閒且醉且吟舟中惟攜老莊楚騷唐詩數卷晚年詩益工金道隱先生被讒後稅鞅建陵聞泗水能詩相與郵筒往來彼此唱和

稱莫逆焉

舊志

陸衡敬下鄉大車田人生平仗義好善樂施於正統二年修明倫堂景泰五年建德興橋天順癸未建會湘橋有碑地方疊紀其實於藝文內

舊志

莫可爲字思成邑諸生性敏嗜學弱冠下帷足不踰門闕博通羣籍七困棘闈無幾微得失念以艱故遂息進取教子能學輩以進退出處之義能學志量過人凜父訓終身不入城市泉石閒日耕夜書



嘯歌自得雖至戚罕覩其面邑人稱隱君子必首

二莫云舊志

莫世英字俊明邑之篤行士也性孝友有幹才康熙甲寅吳逆變亂湘灌院檄舉幹才督鄉勇辦軍需劄世英爲觀音東秀龍山仁江四堡長身任之迨武林將軍兵破連州三月每堡派夫二百人往文市世英言於縣尹曰農事方殷少役一人一日則民受賜不少密遣心腹往營探緩急雖羽檄頻催獨毅然維持不累於四堡五月師果竣四堡之人感德嗣敘功以武職獎用堅謝之退居茅舍課子應斌入鄉薦由知縣擢工部屯田司主事內外有

灌陽縣志

卷十二

列傳

三

循聲英之教也舊志

文王卿字映西生平力學攻苦文行兼優試輒高等天啟丁卯科備卷賜額曰預兆飛黃崇禎癸酉科備卷賜額曰儲才待醮壽八十有四舊志

王仕嘉崇順堡清塘村人其胞弟曰倫曰昌業儒清初有曹志建等蹂躪鄉村迫令充餉不從欲殺之嘉以弟尙未有嗣請以身代曹允其請釋二弟而殺嘉時年二十四以一身而全活兩弟人服其奇

節舊志

王之驥字龍友邑廩生賦性通敏邃心理學每試列前茅尤敦孝友重氣節知縣單父牧以國士期之



循例起應康熙十一年歲貢適丁母艱未赴康熙  
十三年將軍孫延齡叛之驥挈家遯跡深山賦三  
峯煙雨以見志延齡慕其名次年五月檄下有司  
迫令出山督餉之驥憤恨疾作行至城西興賢坊  
堅卧不食而死時年四十有五所著有格致集

舊志

嚴 亨上鄉人爲陰陽學訓術請築都汀四十四堰

蓄水以資灌溉邑人德之

省志

何昌儒下鄉人父應智患足疾將死昌儒顛於天一  
夕夢神示以膚血調藥可治既覺卽潛割其左臂  
和藥傅之稍止遂三割臂以治不旬日而父患竟  
愈族隣欲舉於官昌儒固止曰虧體療親疾愚計

灌陽縣志

卷十二

列傳

吳

也敢籍以沽名乎

省志

呂 釗下鄉人讀書恂謹然素負節氣慷慨能任事  
嘗以已地建文廟捐金爲眾倡鳩工庀材獨肩其  
勞以告成功而以布衣終其身

金志

唐時儒字又許號倚石康熙壬辰歲貢以孝友聞事  
兄時中極愛敬兄故視姪猶子常以舌耕金助之  
爲兄立祀產學術淵博著有樂善集常館於桂林  
上鄉凡知名多遊其門癸丑選柳城訓導文至門  
生留曰先生雨化柳城猶雨化吾邑也何舍此而  
取彼時儒亦不忍舍及門雖檄催數次弗就性樂  
施成梁修道桂林北門十里外大道曾捐貲修數



百丈碑尙存

舊志

王振秩字慎五號敘齋江口人秉性正直樂施與宗族貧乏者至除夕酌量分濟錢穀異鄉有喪不能歸者購地於楓山側任其埋瘞縣西有芹菜橋獨力架以石道路巉嶇必修之尤精醫著有醫案秘要三卷嘗曰吾聞之良醫可比良相以此濟人不

少

舊志

王汝弼字右臣郡廩生克敦孝友讀書不務虛名乾隆三十二年學政朱選入優貢例得揀選因疾未赴澹泊自處品行著於鄉

舊志

史如璣字玉衡居老石橋以離居一里許有山突起

灌陽縣志

卷十二

列傳

七

一峰昂霄竦立上多古松故號曰松峰生稟異姿少輒好學於書無所不讀根柢深故言皆有物語妍氣清脩然有出塵之趣其制義力追先生每試見賞於文宗如映山查公裴山錢公謂其精醇爾雅虬珠拱壁秀絕西南也鄉賢卿彬讀其文謂其有功于名教油然令人生孝弟之心困闈不遇怡情山水興諸歌咏風格有古人遺意書畫亦精妙求者得其片楮皆什襲藏之天性純篤事親孝又友愛諸弟嘗以宗子田數十餘畝推讓於從子其孝友如此

舊志

何其純號心一性淳厚父東採嘗以幼失怙未讀爲



恨純年十七始命從師學二十二爲邑諸生父性素嚴純百方承順惟恐不逮平居與人一以慈愛相接利濟之事嗜若飢渴家雖不裕人負債弗能償輒焚其券前後不下數百金人或以陰德稱之則曰不爲子孫蓄怨此吾父之志也敢以爲德乎

蔣

銳號蓄齋郡增生初名一錦字襄七入武庠其高祖瑞鯉曾祖旭在皆以文舉任縣令元戎僅以文學終生父敏中康熙辛卯武舉銳兄弟五人仲鑑四鑑皆入武庠季弟銘應武童試鄉鄰有相考文章華國弟兄武畧經邦之語銳憤然曰班定遠投筆封侯議者病其不能讀父兄之書今吾家盡

灌陽縣志

卷十二

列傳

三

習武先世書香替矣於是棄而就文歲試入府學第一試牘刊其制藝三首因竭力訓課仲弟令亦棄武就文遂於乾隆辛酉科以五經中式又教育胞姪庭濬中乾隆丙午科文魁士林稱其家書香蓋自銳復興也性尤孝友弟兄分居推腴田與諸弟而自取其下者真不愧古田氏弟兄云

舊志

劉良準副榜昭平教諭永代長子幼聰慧早入學食餼娶妻蔣氏望族也自少患瘋疾妻父慮其不足爲婿偶使媒諷令別娶執不可旣婚飲食起居皆需於準於伉儷無閒焉親友勸其納妾亦不從後育二女準未四十而卒人謂士之不二色者固難



若準於婦無所謂色也特厚於大倫如此舊志

孔志聖家素豐施捨無吝邑中要衝如天佑橋乃秀

江源居民晉縣所必由南關橋又東西諸村詣城

之通津三里橋則西上省會北達瀟湘官民驛路

也及吉星馬口石劉家洞等橋俱須與不可離之

道也路有蹊躓難行橋或架木易蠹志聖不他募

咸出己貲而易以石橋極高峻岸建石亭既堅且

固詎三里橋工竣月餘洪漲又衝圯此橋非二千

金不能志聖復倩工伐石成之工加密費加倍計

六橋統費錢萬餘緡行者歌蕩平樂利濟焉舊志

文師熹字廷安號岐山例貢生贈奉直大夫幼失怙

灌陽縣志卷十二 列傳

家貧事母孝克自與不吝施與弟分居不給且命

寒乏嗣熹周濟為三娶婦恩養終身乾隆戊戌嘉

慶庚申旱粟賑近隣遇急難借貸不責償該地有

水源田素乾熹開渠灌漑居人多獲利焉舊志

唐國懷字安修號葆堂邑諸生志篤學業縹緲盈架

兄弟十人因心則友繼母朱少懷六歲孝事如親

母爰於別墅題芳樂額蓋取青蓮會桃李之芳園

敘天倫之樂事意也為人真實能應事嘉慶二年

百色有軍需急務知府宋擢懷辦理夫差九年邑

侯尹知其賢聘建城中文昌閣官紳仰之平日非

公不至城惟課子若孫勤讀故三世咸列庠焉舊志



何宏政更名慶恩號愷棠中道光甲辰舉人考取景山官學漢教習咸豐四五年丁艱在籍適紅巾竄灌紫熊家寨一帶壘長而固兩鄉督團攻撲恩揮衆晦明由塹而入掩其不備直搗中堅四圍响應賊大敗棄壘而逃退踞觀音閣恩又督團禦諸桃花井於峽內增修關卡守之賊不敢過恩在籍丁艱三年與匪相角瀕死者再居屋被賊一炬只餘焦土服闋北上以教習分發四川知縣咸豐八年蜀撫委解濟廣西軍餉抵桂謁見桂撫巢一見卽上章密保蓋恩常獲要匪供稱數爲恩鄉勇所敗故耳事竣轉蜀又解餉燕京時值嚴冬雨雪載

灌陽縣志

卷十二

列傳

四

塗有跨駝雪征圖名人題詠甚夥初署渠縣三載適石達開入蜀土匪蜂起身率鄉勇防堵復增修水城關隘於是渠邑恃以無恐有蜀遊鴻雪集以紀其事後補授彰明縣課最陞調峩邊廳同知恩素篤孝邊境苦寒母不能隨辭返舊任兼攝江油縣歷署德陽雲陽所在惠政及人去後民思碑以紀愛時母年百歲遂以候補直隸知州辭職告終養奉母歸里父老製錦帆而送有錦帆奉母圖詩幅待梓其時灌邑宦游諸公畫錦還鄉者頗尠獨恩一人奉百歲母錦旋僉稱爲孝感所致云何宗斌號蘭軒幼承庭訓穎悟過人善屬文書法尤



妙院試冠軍聯捷中道光甲午第四名舉人甲辰  
會試備中大挑一等分發廣東署河源知縣與利  
除弊吏民安之惜未期年而卒著作甚夥待梓  
蔣 達號霞舫道光丁酉拔貢是科舉人辛丑進士  
翰林院編修江南道監察御史掌福建道監察御  
史五城巡城御史戶科掌印給事中辛亥恩科順  
天鄉試同考官欽派順天較射大臣兼內場提調  
歷任奉天府府丞兼奉天學政順天府府丞時充  
順天鄉試提調官因優人有以關節中式者達搜  
其中卷出闈具摺嚴劾其當事置於法旋以擅開  
龍門論處分達即束裝出京至通州奉上諭召還

灌陽縣志

卷十二

列傳

三

充翰林院教習性恢闊有人倫鑒平生以師友爲  
性命通籍後所識拔多知名士汲引寒賤如不及  
先後爲達官名宦者指不勝屈如四川總督劉秉  
璋閩浙總督邊寶泉卞寶第福建按察使唐寶鑑  
廣西學政孫欽昂皆其所識拔於寒賤中者少時  
豪蕩不羈鄉里鮮知之者邑侯周含萬一見奇之  
歎爲大器自是折節讀書遂博通經籍工古文詩  
辭有四支一先全韻好疊韻與全州蔣篔生唱和  
有尖义集爲御史時直聲震天下所陳奏皆關大  
計有爲人所不敢言不能言者有奏稿詩文集若  
千卷藏於家與全州蔣中甫爲莫逆交其所陳中



興十二策稱達能直言敢諫達卒輓以聯云已矣  
吾生惟夫子知我艱哉時事恐天下無人其推重  
如此至今聞達之風者猶足敦鄙寬薄云

時大杭號葦洲幼敏睿日記千言過目卽成誦七歲  
善屬文道光丙戌十有三歲以冠軍補弟子員戊  
子一等第一卽食餼乙未恩科中本省鄉試經魁  
戊戌擢進士選翰林院庶吉士散館授編修其任  
職爲國史館協修庶常館提調文淵閣校理記名  
御史癸卯奉旨簡放河南大主考惜不永年甫三  
十有二遽捐館焉

時大英號樂育道光己亥副魁品端學粹與兄大杭  
灌陽縣志

卷十二 列傳

四三

同肄業榕城應秀峯月課屢拔前茅一時名流僉  
以二宋目之不幸早世

蔣如琳號梅溪道光庚子舉人以辦團功保舉知縣  
歷任崇仁龍南廣豐萍鄉懋著循聲大計卓異超  
擢知府未蒞任卒厥子煥雲膽識俱優隨父任龍  
南時偕同團紳禦寇有功由監生保舉署新喻縣  
終於任所

鄧煌號蓮塘與弟越者俱爲名諸生煌以道光庚  
子舉於鄉挑選授歸順州學正署鎮安府教陞授  
慶遠府教截取知縣未赴而卒煌歷任邊徼干戈  
擾攘與諸生講藝論道不較費金三州郡士人皆



沐教澤越字少白亦以歲貢署左州學正梧州教授後主本邑龍川講席工書法求者甚衆

鄧錫俊號袖南苦志績學善屬文尤嫻詞賦歲科試及秀峯經古兩書院常冠其軍中咸豐丙辰副榜光緒壬午鄉試文已擬元因次場默寫不符抑置副車人皆歎惜之任岑溪興業平南教諭所至與諸生講學不輟並評隲月課士被涵濡文風爲之一變著有補拙齋詩文集行世

范濟成號任臣幼聰穎有文才中咸豐丙辰經魁由大批授象州學正歷署平樂泗城柳州教授所在訓迪諸生必以憂樂天下爲志人謂有文正之宗

灌陽縣志

卷十二

列傳

四

風云

蔣樹軒號澗南邑庠生資穎慧好作文居家勤儉處世有婁郝風善醫術以活人不受餽謝遠近咸德之光緒初修建邑署軒實心襄辦無負責成至於課子相繼成名有登仕籍者尤徵義方之家訓焉戴鋤號佩珊歲貢生性至孝繼母以腫疾歿柩在堂而尸猶流膿鋤以舌舐之膿遽已尤工制舉業學使錢公福昌招之入署與名流角藝輒列前茅梓其文於試牘中歲科試三冠其曹而棘闈輒躋晚年掌教龍川卒於講院士林皆悼惜之先是鋤有繼母弟三人鋤善教之皆有聲黌序其二早卒



其一貢明經者曰鎔中年喪偶遂不娶亦主龍川講院劔得子遲長者曰汝明其入庠時劔猶及見之後亦貢明經主龍川講席父子兄弟濟美兩鄉稱名德云

文宗歐更名湛字少叔自幼雋爽食餼後從戴孝廉汝淳遊五年寒暑不輟遂中鄉試連捷咸豐庚申會試七十名進士卽用湖北知縣先署通城次署雲夢時方擾攘懋著循聲丁外艱歸遂不復出咸豐辛酉同治壬戌甲子三充同考試官所得多名下士如蕭書張楷官至太守蕭尤誼篤師門湛歿後在浙聞之曾以二百金致唁於其家云

灌陽縣志

卷十二 列傳

四

唐紹容號杏坡潛心問學口不絕吟文章自成一家詞賦尤其所長登咸豐辛酉賢書邑令壽祝堯仰慕儀型延掌龍川書院訓人以讀經讀史爲先務制藝不拘一格隨材造就士咸服其善教嗣赴春官不第卒於途世共惜之

王舟號錦帆爲人孝友平生無嗜好惟潛心問學咸豐閒紅巾擾境逃匿深山手不釋卷經史傳注靡不研究年甫冠出應童試以縣案元入泮辛酉優貢壬戌中式舉人三上春官薦而未售後值挑選授宜山教諭陸川訓導橫州學正所至皆以明倫教學爲宗悉心課士獲益者衆南甯太守惠榮



以品優學邃士論咸服薦陞柳州教授卸事日士林上昌明正學額懸之署齋以誌弗諼柳州游匪頻年擾亂遂解組歸田嘗主講本邑龍川經古書院二次恭城鳳巖書院一次年逾古稀猶嗜學不倦邑令翁綬琪以青山入眼不于祿白髮盈頭尙著書一聯見贈聘修邑志因資絀不果人共惜之著有覺後齋文集詩集雜著各二卷付梓

時大槐號瑞堂大杭胞弟歲貢生歷科房薦堂備者再惜數奇不偶以明經終居恒嗜學不倦鏘經鑄史工制舉藝詩賦尤擅勝場晚年淡於仕進守先儒性理之學邑侯高公銓慕其品望聘主龍川講

灌陽縣志

卷十二

列傳

五

席一時被教育者多名下士著有存養齋詩文集李正昌號茂軒歲貢生成豐閒督辦團練保舉教諭歷任來賓永淳後主龍川講席著有詩詞藏於家子萬培恩貢生亦掌教龍川

王樹品號龍崗恩貢生同治癸酉恩賜舉人道光末聲名藉甚鄉賢陸琢之先生筮仕湖北松滋縣以樹品學行純粹聘主丹陽書院講席三載士論翕服歸而嗜學益篤兩主本邑講院道貌凝然不愧爲經師云

汪霖字雨人專研周易中咸豐丙辰舉人三藝皆卦爻精言爲主司所欣賞後以挑選任隆安縣教



諭平生揮霍不吝家於城市敝廬僅庇風雨而不  
干謁官府士論多之

時大杰號卓軒邑增生書學顏魯公而以公權筆力  
佐之尤善屬文四科房薦堂備二次桂撫曹樹鍾  
以兄大杭年誼委充全州釐金總辦嘗嘉其有幹  
才不幸早世

時鎮南號石臣歲貢生幼工書得王右軍筆法求之  
者衆嘗館於鄧錫俊家與俊吟壇唱和詩篇最夥  
著有謝氏化蝶圖詩古節古音風流自賞僉稱爲  
妙品云

何宗敏號覺軒郡廩生天姿英敏刻志勵學嬰疾早

灌陽縣志

卷十二

列傳

四

卒人皆惜之嘗與胞兄宗斌胞弟啟運肄業榕城  
一時名流咸推畏友使天假以年其成就未可量  
也以子如謹貴誥贈奉政大夫

周永瀚字滙川邑庠生自幼嗜學善書法尤工吟詠  
爲人美風儀而敦品節嘗因書院甄別一至縣城  
邑令李公士林滇南名進士也見其文大奇賞之  
拔置第一而書聯以贈之云溫厚和平有儒者氣  
端方正直古君子風迄赴鄉試薦而弗售遂絕意  
進取壹志養親晚年性喜獨釣一竿所至忘路遠  
近歸而飲酒數卮微醺卽已後以壽終子化南邑  
諸生誨人諄至造就甚宏亦登上壽鄉人稱清德



莫懷亮字朗齋嘉慶庚午武科經元連捷五十四名  
進士卽用守府奈性酣隱退不樂就職其同年武  
探花官全州參將以書招之堅辭不往稱高尚云  
劉良統字榮緒爲邑名諸生以一等第二而艱於食  
餽遂終身不應鄉舉家藏書籍甚富好讀朱子綱  
目丹鉛數過學識長進惟以詩酒自娛暇則把酒  
江潭憔悴枯槁頗類靈均願以壽終時論高之  
劉景德號靜齋歲貢生平未嘗言人過優游林下  
恬淡自如眼觀五代稱全福焉

唐鍾偉號靜菴家少貧失學至十六始受書未幾入  
庠食餼而性酣吟詠淡於科名咸豐初邑城累燬  
灌陽縣志卷十二列傳  
於兵燹家益落詩亦益工著有燹餘室詩鈔近一  
千首藏於家偉一生篤尙氣節晚年精醫所活甚  
眾

王肇僖歲貢生好吟咏有秋燕詩十二首爲時傳誦  
他作亦工崇順詩人以僖爲最

陸汝黼字鳳池學醇行篤倜儻有大志由道光甲辰  
舉人中咸豐癸丑進士授戶部主事題升郎中記  
名御史尋卒咸惜未能展盡其底蘊弟汝彭貢明  
經好博覽邑令潘紹岳欽其文行延掌龍川書院  
諄諄以實學爲誨儒風爲之一振

陸炳坤字礪堂刻意文詞登咸豐丙辰賢書因赴春



闡卒於京咸惜未竟其志云弟生玖貢明經和平  
溫厚邃於易學歲科試常列優等因房薦未售遂  
棄舉業教授爲事一時從遊者甚衆

蔣學梓號南塘邑庠生保舉府經歷性剛正有膽識  
勇於任事而疾惡如仇平居好排解紛難鄉里有  
違言得一言輒解卽有爭執每爲賠財禮以了事  
不使知也每聞不平事輒獨坐愁歎必思起而拯  
之咸豐初年總辦團務值縣城戒嚴邑侯鄧不敢  
住縣治乃依梓以居梓爲籌餉械練義勇以左右  
之備嘗艱苦始奏廓清中間凡請果勇請湘勇請  
全勇梓皆與其事而以請全勇之功爲尤大而隱

馬先是紅巾賊首朱逢英等倡亂鄰境皆被擾咸  
豐五年七月有內奸勾引朱黨脅從頗衆已約期  
舉事矣梓偵知其期已迫而義勇僅百名不足恃  
乃與團紳時中行蔣邁蔣作杰等密議使佯與周  
旋而梓星夜赴全州請勇匪甫集而蔣正揚之勇  
已隨梓至矣遂捕爲首者二人正法餘潰散三日  
而難平使稍遲各堡皆廢爛矣七年賊焰稍衰鄧  
邑侯檄梓與近城三堡紳士辦理清鄉得積年匪  
首一併正法合境始安上游嘉其功遂與保舉且  
爲奏加本邑學額三名邑侯王鈞紳有記述其事  
尤精岐黃術全活甚衆次日輝三子鵬揚皆傳



其術爲時名醫

蔣學梧號鳳林邑增生孝友端厚進退一如禮法博通經史文章淵雅不詭就有司程式戰藝秋闈得而復失者再三姪鵬振孫壘姪孫士奇外孫陸炳璧梧親課之竊梧緒餘以孝廉明經顯於時而梧聞然以諸生終士林爲梧惜梧泊如也族有祭田不豐梧經理產逾倍溢祭祀之餘爲義田延師教族中子弟聚族三百餘家服梧德教耕讀無游惰者族太史達望高性剛於世少許可獨以經明行修稱梧梧誠無愧云

文卜年號仲申恩貢生性剛嚴有才識於文賦詩詞

灌陽縣志

卷十二

列傳

四

靡不通曉管理兩鄉公務實心實事勞怨勿辭真是鐵中錚錚傭中佼佼者與

王 堂號華林庠生學粹品端急公好義邑中有重大事爲衆所難決者咸待堂主持之咸豐初紅巾倡亂奉憲札疊辦防勦堂尤爲出力事定保以府經歷升用知縣歸部選用性至孝其父平川壽晉期頤時堂亦年邁必躬親奉養左右扶持始終無倦容

文定俊字子達歲貢生清廉正直授徒不計脩脯一時名士半出其門同治八年任羅城訓導有甲乙二生自幼同塾甲富乙貧甲儲二百金與乙后甲



索債乙不與控於俊甲乙均以奉師爲詞俊曰該借該還竟斷歸不受分文羅邑文廟傾頽捐廉鳩工修復後得超委馬平教諭未赴任卒

文德堯字瑞階恩貢生歷署荔浦平南訓導選貴縣教諭得暇爲纂邑志修學宮築外城光緒丁酉游匪擾貴督團捍禦兼辦善後提督蘇元春論功擬保知縣辭不受在貴邑十二年教人以善舉人陳松年陳香祖等皆出其門

文定仲號 由道光丁酉拔貢歷任雲南澂江文山馬龍各州縣事咸豐初叛回擾州境親率兵登陣固守嗣因糧盡援絕城陷正衣冠坐堂上罵不

灌陽縣志

卷十二

列傳

五

絕口賊恨剖之子之鳳隨任亦與偕亡事聞俱祀昭忠祠

蔣鵬振號穎生成豐丙辰舉人揀選知縣天資絕異口吃知不能言及下筆則清絕滔滔如萬斛源泉隨地湧出見者咸驚異之與季父學梧閉戶讀書不交外事故所造愈邃惜年未四十而卒

戴汝霑字子惠廩貢生爲人溫厚和平長於訓誨貧家子弟尤不責以束脯其所造就人才甚盛少而好學侍伯父佩珊公側昕宵不離故歎有心得咸豐之末築精舍於大安崗講道三年忘其鋒燧後地方甯謐出應童子試卽冠軍入庠嗣又冠軍食



餽肄業榕城與名流相砥礪文進而行益純嗣因  
屢舉不第授徒家塾之穀詒齋訓課弟姪有舉賢  
書貢明經者年甫四十而卒著有穀詒齋詩集二  
卷文集六卷而其所纂縣志補正四卷補遺二卷  
尤爲有裨世道云子二毓馴毓驪

卿先達號西園咸豐丙辰恩貢篤志好學文行兼優  
性端方知大義其於橋梁道路多所倡修遇族黨  
有爭端恒以理剖之以是人咸畏其直而服其公  
云

卿明典號芹橋咸豐癸丑恩貢夙有文名歲科試歷  
試冠軍困於棘闈屢薦未售課諸生循循善誘遊

灌陽縣志

卷十二

列傳

五

其門者多所成就賦性誠樸躬行儉約不吝推解  
至親族有貧乏者恆周濟之迄今鄉里猶稱道弗  
諼

蔣邁號麟閣達胞弟廩貢生鬱林州學正工詩精  
草法好鈔書凡經史子集以及醫卜星相之書所  
手錄者無慮數十百部皆以蠅頭小楷書之雖墨  
池筆塚不是過也嗣經兵燹然頗有存者筆意在  
趙董之間熟極而不滑爲草法之妙品云著有詩  
集藏於家

蔣良駒號雲驤少入邑庠旋應科試冠軍食餼事繼  
母躬執勤勞盡心奉養同治乙丑貢明經光緒丙



午重游泮水教人本程朱之學循循有序多致成名邑令高銓緬懷典型延掌龍川書院每日訓課生徒必以誦習六經爲文章根柢士論躋之

唐志燮號佐臣咸豐辛酉拔貢由孝廉方正應朝考以知縣分發福建試用旋授武平該縣素稱難治燮至恩威互用喻以禮義風俗一變民稱唐青天立生祠以祀調補惠安署政和晉江歷著政聲

唐鏡沅號芷庵秉性骨鯁有學識中同治庚午副榜由孝廉方正應朝考以直隸州判分發廣東試用從唐公景崧克復交趾出力保升知州賞戴花翎歷署河源順德佛岡崖州所至禦盜安民興學造

灌陽縣志

卷十二

列傳

五

士以及利宜興弊宜革者無不盡心力爲之

何如謹號厚卿少倜儻有大志常欲立功萬里外以揚名顯親由廩生中同治丁卯舉人考取方畧館謄錄時回民煽亂烏魯木齊都統景公秋坪知其才奏請以知縣發往烏垣差遣委辦軍火文案發審營務糧臺事無不理旋署綏來縣事時綏城先陷於賊如謹親率兵勇二千餘一戰克復民夷畏懷嘗上書條陳軍事當事者多採納之新疆底定以功選授福建壽甯調補福清歷任長樂莆田臺灣恒春縣事母節孝唐太夫人時迎養在署祝釐時總督卞公寶第贈有福壽長春額蓋集所蒞縣



名也其在長樂以俗悍好鬥爲設鄉約局於四鄉而恒春苦水患爲民築水堤壽甯縣志久不修爲之重輯福清有刼匪結黨拒捕官軍不獲如謹受事未久卽擒其渠魁民遂以安平生工詩著有西域磨盾草東歸草于役贖草公餘吟草居俟吟草龍堆紀事漱芳吟館等集

唐鏡澂原名鏡湖號芷和天資奇穎學有淵源由光緒乙酉拔貢從唐公景崧克復交趾出力保知縣分發湖南試用初署新化清勤蒞政重士愛民次署醴陵催科不擾案無稽牘及授通道時萑苻未靖澂嚴行緝捕地方賴以甯謐

灌陽縣志

卷十二

列傳

五三

蔣良衡號平安未冠入邑庠卓犖有大志行文必自出機杼不與人共生活同治癸酉應舉主司閱其文大欣賞選入正額嗣因策對稍遜抑置副車自是鬱鬱成疾遂於庚辰歲齋志以歿士林惜之

時選士號杏村大杭子天資穎異攻舉子業博學沈思爲文清勁而瞻早補弟子員旋補增生負用世才淡於仕進自幼失怙事母以孝聞兄弟之間怡怡如也重明倫尙立品精岐黃術活人甚眾餽謝無所受至於倡修印心塔雷祖廟暨捐祭田學田尤爲族黨推重云著有閩遊吟草居俟齋詩文集藏於家



鄧 昭號曙樓其父錫仲構水竹莊書齋懸額講堂  
顏曰一經蓋以一經教子也昭承庭訓學問淵博  
湛深經術學使孫公欽昂梓其文於試牘中同治  
丁卯鄉試首場三藝以詩書易詁題主司閱其文  
大加欣賞因額滿抑置副車嘗肄業榕城與同邑  
唐公景崧三太史吟壇唱和詩篇最夥而其門下  
士則貴州學政韋業祥尤爲高足云

戴毓琮字瑞卿十餘歲工書法能詩文入庠甫弱冠  
中光緒己卯科舉人五上春官丙戌庚寅兩科房  
薦卒不第嗣主龍川講席後以大挑二等署慶遠  
教授年三十六卒士林多惜之著有燕遊草榕城

灌陽縣志

卷十二

列傳

番

唱和集各一卷藏於家

蔣大洸號春園歲貢生爲人性氣嚴正神彩英毅咸  
豐初紅巾入境洸督鄉團奮擊賊以炮傷之不中  
洸督率愈力賊卻退地方賴以甯謐其教諸生綦  
嚴從之遊者不敢踰閑檢稍不謹卽鞭撻隨之以  
是門多端士子興曾興思孫良瓊相繼入庠不墜  
祖父之訓云

蔣宏懋號篠樓恩貢生成豐初粵西流寇竊發懋督  
勇捍衛桑梓竭力防堵得保奏委署思恩訓導卒  
於任所懋性純靜舉止端詳終日一篇危坐無急  
言遽色至其教人先根本而後詞章故從游者眾



士林至今猶稱道之

蔣漢舟號雲程歲貢生少時叔父逝叔母周氏年十九守節撫舟承祀以孝養聞生平敦品勵學以故出其門者多謹愿之士後主龍川講席邑人士獲益良多至精術岐黃以行方便壽人壽咸欽仰焉惜其母年八旬餘而舟逝母亦痛之逾恒今年近百歲而起居猶適鄉人謂母之節舟之孝蔚爲此上壽良不誣云

王者瑞字丹祥舟之仲弟也存心孝友立品端方弱冠補弟子員從兄攻舉子業寒暑無少倦因艱於一第絕意科名精岐黃術活人無算至於橋梁有

灌陽縣志

卷十二

列傳

五

損壞寺觀有傾頽多賴修復鄉鄰爭端盡心排解後舉孝廉方正不樂仕進迺創修蓮花寺隱身其閒養晦以終

時遂士號榮村貴州補用府經歷性剛直精明強幹瞻識過人最重公德里中義舉多爲倡首解紛排難鄉里敬信之至於培森林置義倉尤爲膾炙人口云

何宗斐號潤章才情敏捷好學孜孜由廩貢署來賓訓導其教人以明理爲先士咸欽服任滿歸適值年荒請邑侯傳集富戶贖金購運米糧一面變價歸歛一面救活飢民時論賢之



戴 釗號勉菴縣試第一入邑庠生平勉力爲善故以勉菴自號性好施與年終給貧人以米粟錢帛歲以爲常後生三子汝洵汝沂鴻鈞皆入庠

莫 潛號晴瀾天姿雋爽風度温和平生以讀書爲樂居近城市未嘗妄謁公府道光己酉選拔特授貴縣教諭課士先器識而後文藝被其澤者皆奮興於學蒸蒸日上子德馨姪遺賢府道皆冠軍潛後以同治庚午舉於鄉終任所

蔣與第號蓮峯恩貢生深明醫理晚年彌精復好吟咏嘗和邑侯王公鈞紳邑中八景詩王公評以老而嗜學賦詩超越流俗年高德邵學養兼優精於

灌陽縣志

卷十二

列傳

庚

岐黃夙所嘉許又聞篤於孝行足爲士庶楷模僉謂無愧色云

陸輔清號紹淵錫璞曾孫幼承庭訓學有根柢十三歲入郡庠冠軍十七歲中光緒己丑亞魁連捷進士授吏部主事升補郎中年三旬賫志以歿朝野惋惜其自輓云生有自來卅載未酬青史志死何能已九原猶念白頭親

蔣 瑗號仲玉達之子廩貢生歷署平樂恭城荔浦平南懷遠教諭永安學正柳州教授性惆儻不羣工詩賦書法四體皆工而尤精於篆隸北平高國光吳江翁綬琪先後來灌皆以篆隸自豪見瑗筆



意咸折服焉識者謂吾灌近數十年無此作者非  
虛語也有詩賦稿藏於家

孔昭忠號蓋臣咸豐辛酉舉人爲人溫厚和氣可挹  
嘗主講龍川二次士論翕服加捐湖南同知以年  
老不赴

孔 智號禹昌邑諸生鄉試薦而弗售不干外事琴  
書自樂與其兄廣存終身怡怡友愛油然性極溫  
厚嘗著有守拙詩稿廣存亦著有聽月詩稿兄弟  
皆捐四品銜而廣存任湖南澁浦龍潭司巡檢頗  
有政聲因親老歸田以遂初志

史西鄰號芸窻廩生工篆隸書善畫蘭竹詩亦清雋

灌陽縣志

卷十二

列傳

七

著關聖覺世真經試帖九十六首付梓桂林況太  
史澍爲序而行之

史留青號翼廷廩生爲人敦樸肆力於學篤老不倦  
友教四方歸里日少榕城角藝曾冠其軍嘗從閩  
漳劉磊學精詩古文詞青得其淵源故所作詩古  
文詞卓然可傳有卧樓集十二卷藏於家

蔣徵祐號龍江廩生負文名有大志自食餼後每應  
鄉試不作第二人想道光乙未文已擬魁付梓旋  
以微疵見黜士論惜之今學校上廳懸有四教額  
旁附跋語均祐手書爲楷法之妙品云

吳肇基歲貢生天性過人至老彌篤敦品勵學從遊



者眾

熊錫祥廩生秉性英明工詩文嘗與闕漳劉磊往來唱和子澤洋性氣嚴正士林敬懼

包耀庭號曉湖歲貢生工制舉藝屢薦不售嘗肄業桂林之秀峯書院受知山長王芷庭恩祥引之入塾教其子煒煒後官長沙知府耀庭二子長風廉食餼次孕史亦入庠

劉官對號長廷自幼工文十三歲入庠應舉不第晚乃貢入成均優游林下生平不與人校僉以厚德稱之

時德昌號松亭邑諸生工書法四體皆佳隸篆固足

灌陽縣志卷十二 列傳

庚

以自豪而尤精於行楷筆意在顏柳之間更參以趙董諸法族太史大杭以書法名京師求之者眾其始亦多以昌代之人幾不能辨且珍若拱璧云  
蔣 逵號子羽邑增生工楷書始學顏魯公別饒神韻後更參以鍾紹京趙吳與諸家筆法端莊流麗秀韻天成終身不作草書故所詣日精堂兄太史達以書法名都中人爭求之其楷書者皆達代筆也得之者尤寶貴焉後隨鄧邑侯殉難武宣入祀

昭忠祠

唐紹宗號繼甫國玉孫逢年子幼承庭訓家學淵源甫冠食餼疊膺鶚薦一第艱難後貢明經三主龍



川講席不愧爲經師云

於希聰號蓮航邑諸生品學兼優邑令趙公勸所欽  
仰生平精醫活人無數

莫予智附貢生以高年充大賓詣明倫堂嘗行鄉飲  
酒禮觀者肅然

卿先準號桂園邑諸生地方義舉不避勞怨趙令勸  
慕準品望聘其在武聖宮宣講聖諭每屆朔望必  
正衣冠以講之聽者悚息不敢僥言

何懷珍號瑞庭邑庠生成豐四年土匪滋事珍與文  
龍田匍匐省垣稟桂撫勞發勇平匪五六年間驅  
逐餘匪不遺餘力爲仇家反噬適哈令貪墨羅織

灌陽縣志

卷十二

列傳

異

逮繫死獄中地方冤之

何昌期號春池邑庠生刻苦績學屢薦未售性剛直  
疾惡如仇當咸豐年間紅巾滋擾矢心公正反爲  
宵小所害身受大屈由是養晦林泉課徒爲職從  
遊者衆

陸三先號青峯邑庠生慷慨有機智咸豐間紅巾竄  
灌築壘城中先練鄉勇號虎勇由東路進攻與賊  
遇於長坪戰甚力賊潰退保恭城之舊巢而土匪  
日熾鄰村唐秀山保多人倡亂沿村坐索口糧從  
則免不從則火屋殺人垂涎之地人皆俛首而已  
及到大車田先陽使人治酒款洽陰招鄉團圍撲



俟賊醉將炮門釘塞鄉勇突入賊顧炮不可用束手就擒餘眾殲焉地方賴以安堵

周召南號蔭棠美德孫萬垵子幼失怙事母孝尤友愛兄弟技藝最爲擅長以貧不能讀父書爲憾乃努力補弟子員旋丁內艱又值紅巾入境遂絕意科名時或把釣以適意年逾八十未嘗偶一投竿也學憲汪贈以渭水遺風額人謂當之無愧色平生持己端方非公不至城不好奢不嗜酒而課子嚴其子烈入庠相武食餼猶善養生至今日觀五代里黨皆仰其厚德致福云

王樹儀號慎齋太學生邑中義舉多所提倡善書法

灌陽縣志

卷十二

列傳

本

得顏魯公之一體求書匾額者戶外屢恒滿

蔣鵬揚號映庭太學生少聰穎絕倫清標玉立讀書有夙悟以世亂不應舉遂旁通眾流尤精岐黃術所全活無算平居處理鄉黨事曲盡人情闔族之事皆取決焉邑侯王鈞紳因公下鄉詢以時事揚指陳利弊詞理響應王爲動容及退王歎曰不圖僻壤有此奇才爲書楹聯條屏以贈之

翟遷喬號璞丞邑諸生直隸分州父修億以貿易起家累資巨萬喬席父業守勤儉戒驕奢每有義舉雖千金不少吝初翟氏族祖業頗微春秋祭祀往往從簡族中貧乏甚多讀書者寥寥喬乃捐租百



餘甬以爲祭費學費族人德之子二長增貢生允  
次邑庠生獻澍孫保泰聚泰均文庠人以為行義  
之報云

范相時號敬軒性樸誠崇實行家規嚴肅常以忠厚  
孝友爲訓子四兄弟怡怡老而合爨孫枝繁衍列  
成均者二入邑庠者二曾元繼起五代同堂一鄉  
稱羨邑令王鈞紳書贈品行端方額僉謂名實相  
符云

翟允號養源增貢生家素封輕財仗義以近世富  
家大族俗多侈靡允力矯其弊日唯布衣蔬食以  
儉約爲家規又以世風險詐良善忠厚者甚屬寥

灌陽縣志

卷十二

列傳

七

寥乃刻法戒錄廣爲印送亦有爲之感化者修綆  
學校之創立也族中阻撓者十居八九允獨排眾  
議提公款捐家財以成立之迄今族中子弟得以  
受教育者皆其力也至於築橋修路捨藥餌施棺  
材諸善事尤不可勝舉焉

時民鏡號水月庠生家素封慷慨好義嘗捐白金一  
百緡石築九節橋遇貧佃不能舉婚伙銀七十元  
其他借貸無以償者悉焚其券鄉里稱爲長者

時道煥號容庭庠生性慈祥有僕唐明智者自幼侍  
側得煥歡心長卽爲婚配贈百金以贍家每當歲  
時伏臘族中有鰥寡孤獨者各給錢穀遇飢則出



粟賑之全活者眾僉稱爲生佛云

王於通弟於寶家富於貲好倡義舉見商家坪倒風塘夏秋閒爲洪水衝激舟梁互用殊費周章通兄弟捐田租一百二十六把又捐白金八十緡並捐穀三百甬作爲架橋釘船渡夫口糧之費擇管生息永遠無曠邑人戴汝淳爲之記

史婉麟號鳳川性豪邁入庠後不干仕進超然有江湖志遊歷湘楚幾遍遇人窮途輒解橐相贈適吾邑有富賀羣盜之警慨然捐貲築隘鄉人德之佃戶負債者纍纍焚其券於庭不索債焉

劉鶴新號弼臣例貢家多蓄積性好施與光緒初瘟

灌陽縣志

卷十二

列傳

奎

疫流行購棺材四十具於黃牛市任孤苦而歿者取之遇年饑又詣官田邵家田兩村創捐積穀三千勛擇人管理以備凶年救荒之需

鄭慶南例貢自幼以直性聞先達戴茂菴以少年老成許之當咸豐初桂撫勞飭各州縣舉行團練堵禦紅巾然頻年兵燹籌餉維艱南慨然捐經費制錢二百千文以作辦團練勇之資並親任其事地方賴之撫院以六品獎給

孫勝先好義急公慨南津義渡公項無多修造船隻並渡夫口糧歲需募化因倡捐田租四十把金二十兩又廣爲募化獨力管理後其孫釗等繼祖志



加捐田租增造兩船日以濟人不憂不給云

劉

福田南浦周

連舫唐

興東垂統

俱崇順堡人咸豐閒兵事起

居民聞風逃竄雖舉人蔣如琳創辦團防以勦匪自誓而本堡地瘠民貧糧餉鎗械等無所資六人乃慷慨仗義起而分任其責各助制錢五百千文作為開辦費又慮匪勢燎原團務紛紜非蔣君一人所能撐持夜則歸家料度日則踵局贊襄或偏師獨出或會隊合勦以故數年中俾蔣君得以擒斬成干無缺餉之憂者六人之力居多蒙勞撫軍加六品外更以力贊戎防四字獎之

陸汝武字君周家赤貧善居積晚年致富光緒末廢

灌陽縣志

卷十二

列傳

三

書院立學堂議久不決武願出己貲白金七百兩為之倡由是基礎遂定規制漸宏士皆奮興於此焉

唐

國康景崙

募修牛江通省大路至臨邑鹽沙界止綿亘

二十餘里江口建石磴上搭木橋距恭灌滙河名獅塘建石磴橋上建亭蜂崖口建涼亭一座筆架山建亭一座其閒小橋計十餘渡自古未經修闢一旦蕩然費畧萬金

主韶成字杏林武庠咸同閒紅巾竄境民人避亂無暇日成倡義捐資辦團堵隘邑賴以安嗣膺保舉因性嗜老莊辭不就泊如也邑城西有王樓義渡



船爲賊毀眾歎汪洋成迺獨力造船僉曰急公好義非夫人之力不及此村東大路鑿石井行人渴則飲之村人涸則汲之井名石龍以四周青石融結故名晚益好善遇有貧不能葬者輒施以棺至今猶耳其名

王敷瀕字穎川州同性慈祥同治間於村前建爽氣亭設茶以待喝者光緒丙戌適值年饑出穀米以濟貧乏擔柴草至家者輒施以粥末年克承父志遇有貧不能葬則施棺以助之無稍吝

蔣樹輝字成美崇勤儉尤敦禮讓生平慷慨好施克承父志人以急難告輒周濟之有無力完婚與親

灌陽縣志

卷十二

列傳

畜

死不能葬者每代爲借債以成之不責償或有雀角爭互持不相下輝陰出資和解里人多受其賜至今嘖嘖稱頌時號爲活佛爺云

唐時儒字又許柳城訓導獨捐己田立沙平江義渡譚景桂性明爽識大體道光壬辰江華搖匪滋事闔

邑募兵守隘桂與同堡

張儒樸劉良玉蔣大沛胡文棧

等捐集糧

餉召募鄉勇防匪竄擾事平撫院祁賜額以獎之胡運燦例貢譚致和武舉於咸豐初土匪橫行灌恭

聞大肆焚掠人民逃匿山谷闔邑籌餉募兵防禦

二人密謀募壯兵又懼事泄不敢行商之

蔣興烈胡熙

張儒幟劉良玉咸隲其策願助貲會諭在六人合謀防堵



時寇橫民怨強有力者奮臂疾呼揭竿自至六人  
乃督所募者約與共擊連日環攻寇無所掠敗竄  
外境旋受撫民始安

唐宜昌字景福例貢生平抱義戴仁雖處素封而樂  
施與有貿易者給以資本有願耕者佃以田疇既  
無德色亦無吝心及築橋修路諸凡善舉靡不樂  
捐妻王氏相輔而行同治元年歲大飢適宜昌遠  
遊湘潭王氏指困發粟境賴以安且離家二里許  
有牛灣亭年久傾圮獨力修復每年暑月施茶水  
以餽暍者頌聲洋洋載道光緒癸巳值宜昌年晉  
古稀學使趙公以烟贈以一鄉善士額壽終七十

灌陽縣志

卷十二

列傳

五

三厥子善祥守而不改孫曾濟濟咸謂天佑善人  
周興邦武庠美德孫萬昭子生母楊氏七十七歲得  
恍惚疾每日至申日不能視物邦一偶離輒疾呼  
有異物相撲以故日則與母同飲食夜則不離母  
寢處十五年中毫無倦容其妻子慮其過勞請代  
邦不忍離謂老母意非汝等所能揣也後母逝朝  
夕侍其木主如事生然邦夫妻現年七十二前督  
學李贈以白髮齊眉額

周禮號龍池例貢出繼叔父萬瓊瓊妻唐氏年未  
四十而風痺不仁飲食坐卧動輒需人禮爲置渡  
溺具高下適宜躬負如廁偶一他出雪夜必歸或



以有妻妾解慰挽留之則曰此非他人所能代也  
禮外養體而內養志凡花朝月夕有所見必指陳  
景象使之不啻身親故母一生無一非適意之時  
楊宏昌成主季子當母病危昌對天祝禱割股烹湯  
服之卽愈現今母近八旬咸謂昌之孝感云  
時 中號子謙庠生苦志績學幼失怙事母至孝每  
自塾歸覘母弗悅則細詢家人誰觸母怒答曰母  
自慍耳慄慄側立務致其悅乃退及母病親侍湯  
藥衣不解帶出入恒背負以帖卽溲溺具亦躬親  
之後母沒哀毀骨立水粒不入口者數日

蔣泚星家貧事母至孝咸豐時流寇擾灌幾無寧歲

灌陽縣志卷十二 列傳

五

一日寇至兄弟遠避星獨以母病不去被害母聞  
之泣賊詢知其故遺米數斗而去母得無恙

陳俊邦生有孝性老而不倦及父母歿猶日三朝其  
墓攀墓樹而號人以擬之王哀云

周明玉性素孝玉係繼子母方孀居年老患瘋疾者  
十餘年玉晨昏事奉衣不解帶澣浴飲食服勞不  
衰督學汪獎以孝養克敦額並給頂戴

史紹蒼號友張庠生丁年失怙事母極孝母怒輒跪  
膝前必使悅而後起甘旨嘗供給無缺遠近皆欣  
羨之

陶學清性至孝九歲喪母十一歲又喪父哀毀如成



人繼母氏王孀居奉事惟謹出必問反必告現年六十五孝敬弗衰

文祖發性至孝初赤貧母陳氏年高非肉不能佐食且卧疾牀榻數數溲溺發日則擔柴買肉躬親侍膳夜則依倚寢側衣服起坐搔癢滌垢悉親奉之歷十餘年無倦後家稍豐年八十四無疾而終胡鳴極國學永寧子孝行敦篤母早亡繼母蔣氏賢撫極如己出極亦事如生母嘗試榕城期既迫聞母病卽治歸裝友勸之曰明日卽試矣試畢而行可乎極云母疾不躬侍藥餌何以爲人子遂弗聽兼程歸醫治獲痊極天資明敏十六歲入庠後乃

灌陽縣志

卷十二

列傳

七

循例貢明經教門弟子則以安定學規且仗義疎財里之耆倪有不能度日者嘗周卹之年六十時督學額以熙朝木鐸後享大年子孫繁盛

蔣作理其父亨梓性頑而悍使妻子若奴婢少不適意輒鞭笞之禁不使泣泣則更撻必使復笑乃已母唐氏頗賢每被撻理輒長跪泣請爲代受杖日以爲常其弟不堪撻楚時或逃匿聞有怨言而理終愉色柔聲無幾微之憾者家素貧兄弟捕魚以養親其父每食必四盞而理與母藜藿不充理每私市甘旨以奉母不敢使父知也晚年有詢當年事者輒默不應而黯然神傷蓋痛其母之不遇而



不忍場父之過也嗚呼賢已

時大柳字碧堂教諭仁民孫幼孤貧性至孝其母孀居柳膝下承歡歷二十年如一日咸豐六年紅巾擾境以背老母不及堵禦逐以身殉母悲憤乃泣訴曰止此一子誰爲奉養賊憐之母得無恙至今談其軼事猶足動人感泣云

王世榮性揮霍其父早世奉母極孝昕夕無倦咸豐間長髮擾境救所掠幼穉收養者三其一爲家人訪跡還之遺錢甚厚送至臨邑黃泥江距灌百五十里許揮淚分襟影滅方歸至同治壬戌大饑升米值錢六十榮煮粥以待餓者毫無吝色趙縣令

灌陽縣志

卷十二

列傳

六

賜額曰誠心利濟而恭邑石冷壇地屬通衢橋久廢往來者恒病涉榮獨鳩工庀材運至彼處落成崇山峻嶺工鉅費繁有能人之所不能者

王炳麟號瑞南器宇宏達才思敏贍中嘉慶己卯科副舉後歷試南北闈卒不售在國子監肄業時山西學政李公煌聘入幕閱卷平樂何公彤然任山東學政亦延之入幕閱文後主恭邑及本邑講院惜選教諭未赴任而卒

增補

陸錫璜字介臣增貢生咸豐年間辦團有功保舉教諭歷任荔浦興業恭城修仁等縣署奉議州學正所在禮賢下士不愧爲師表云後卒於任所

增補



王運坊字佐春太學生性慈善好陰騭習岐黃術精痲痘有求者視其面目可斷生死就痊亦不責報一日劉某二子皆患痘迎之醫治一兒已死停尸待殮一兒嬉戲庭下至則視其症謂死者可蘇而生者莫卜賜以藥擦牙灌入頃作呻吟聲兒果愈後數日聞嬉戲兒則已死矣時謂爲王神仙自後活人不可數計壽終八十三厥孫海舟能世其業惜失傳今患痘症者猶追思之

蔣高發字壽山貌魁偉膂力絕人咸豐間屢奉邑令檄辦團剿賊有功保干總少習符水之術常販羊恭富各墟一日值劫盜十餘隨行佯爲不知至一

灌陽縣志

卷十二

列傳

完

野店乃問羣盜曰汝等欲食羊乎此非墟地不可得當以血奉贈乃擇羊數頭斷其頸取血以遺盜隨以符水續之驅而行如常羊盜皆驚異乃散去全州之長屋三安二村有夙仇每聚眾械鬥某年復鬥各傷十餘人或斷臂折脛或腸出腹將成巨案高發適至兩造爭延視之曰皆可治惟一人額際帶微傷有白汁而攘臂哮咆若無恙者高發見之驚曰此腦破不治傷也可速回人皆怪之後果如其言開德里村有牧童爲牛所觸腸裂腸盡出亟就近延二醫納其腸創口顧不合痛楚欲絕不已延高發至坐定卽問納腸及安置法二醫合詞



以對高發曰若是則可治矣施以符水一宿而愈  
主人感謝高發曰此二醫者功也使當時納腸不  
如法雖扁華至不能爲矣況僕耶其不專功如是  
平生拯多奇效異驗而赴人之急不乘轎不御盛  
筵創愈而不受謝尤爲人所難能云其弟子范衛  
國蔣桂亭蔣作祖諸人皆有名於時

唐徵濂字慕周例貢幼精岐黃年二十隨宦至黔中  
每遇逆症隨手奏效周統領達武聞其名延至營  
中適合營病疫環而診視依方製藥煮以巨釜遍  
飲之病若失故當時目爲唐半仙云晚歲旋里設  
藥肆遠近踵門求醫者日不暇接卽沉痾痼疾罔

灌陽縣志

卷十二

列傳

七

不立愈貧則贈以藥不索值著有各種奇方



武畧

宋

唐大隅生有異質智畧過人紹興初年曹成陷道州岳飛提兵破之檄隅勦捕餘黨隅收降五千有奇聞於朝獎授督寨弓馬使以冠帶充名色把總理評鄉事閭閻肅然見唐氏家譜舊志

明

劉友安海山村人生有勇才洪武閒流寇何與將肚肥子周矮哥據義城里以亂二十六年安起義請縣結文晉京叩闕陳情上喜其勇義命與兵四萬八千以安爲先鋒先行屯兵馬槽山因單騎勢弱

灌陽縣志

卷十二

武畧

七

被執罵賊不休喪其元十二月二十八寅時兵到三寇就誅馬指揮招服人民改義城里爲復順里卽今之崇順堡以安失務未敘功然爲地方死難其節不可泯賞以田今尙存其名曰馬溪屯舊志

時應宗大營人官指揮使代母舅汪所兒來粵戍征平定班師命留鎮守統領桂林右衛左所蒞任數載有寇至統兵力戰斬賊數十人賊大敗棄壘而逃應宗正凱旋閒忽大隊蜂擁未及防堵遂捐軀焉上聞有旨優卹其子貴二孫清均世襲指揮使

晉鑾儀衛

清



劉飛漢灌陽千戶所清初廣西甫平守備曾世珍鎮  
灌陽飛漢以祖父世受明恩乃詣城下呼曰非敢  
逆也願死以答先朝畢吾志耳執之解院司冀其  
歸心卒不可奪被誅世珍復殲其二子郝志乾隆四  
十一年賜祀忠義祠勝朝殉節錄

朱大寶灌陽百戶所部下軍人順治三年羣盜夜砍  
城行劫大寶巡邏見賊突至奮勇手擊一賊曳至  
縣前羣盜蜂集爲所殺邑人立像祀之一統志

劉 需上鄉人當順治初明桂王遣其將永國公曹  
志建踞龍虎關需乃起招義勇屢敗之後爲志建  
所擒謂曰誰爲爾王此謀者試言之吾貸汝死需

灌陽縣志

卷十二

武畧

三

厲聲曰汝何人敢蹂躪吾境耶吾恨不能手斷汝  
志建怒剛之人皆憫惜

鄧 松字鶴亭崇樹山人全州籍由乾隆己未武進  
士歷任至雲南奇兵營參將降調山東壽張營遊  
擊乾隆中南巡在泉林賜宴賞大緞貂皮荷包准  
加一級雖在韜鈴性好吟咏致仕歸讀書賦詩至  
老不廢與邑鄉賢卿公彬書札往來盈牋累幅人  
謂其雍容文雅有古儒將風云

戴紹元字貞一乾隆戊子武科解元善書法中丞錢  
公度因元魁未定試文一篇紹元揮筆立就餘皆  
縮手遂得掄元贈以盛世全才額僉謂爲不愧云



時啟中字謳吾武生隨兄敦中任雲南州牧適雲南  
寇至啟中統兵討之事平敘功蒙滇撫保奏任撫  
標下軍門都司誥授昭勇將軍

莫懷森字桂林道光壬辰武舉以効力特授南甯府  
都司陞柳州遊府賞戴藍翎咸豐閒紅巾入灌招  
募練軍遠近男女欲避華山末卽行而戒至森督  
軍戰退各村賴以保全事平森與王君堂因灌陽  
籌餉費鉅稟撫憲請廣文武學額各三名士食其  
德者四十年不替云

文祖亨字雲溪道光壬辰武舉從軍百色屢立戰功  
爲祈撫軍所欽重賜力贊戎防額欲授以守備因

灌陽縣志

卷十二

武畧

七

親老謝歸咸豐時紅巾擾境聞名欲引以爲重乘  
閒執之亨不從尋以信香之油刺太平天王四字  
於面料必歸順亨益以死誓賊知心不可移遂遣  
還卒年八十五面上字跡隱隱可見

姜子豹字炳堂馬鹿塘人少以膂力稱咸豐閒東南  
兵事日棘以行伍從軍轉戰蘇浙兩省甚爲出力  
獲首級最夥嘗瀕於險追者至子豹所乘良馬躍  
淵而過賴以免追者怏怏而去以屢戰克捷屢保  
參戎晉遊府銜先是家徒壁立至是獲賞賜無算  
歸置產業爲其兄若弟各購田數百畝資以成家  
士論賢之



翟家益字友三膽勇過人咸豐十年隸蔣公益澧磨  
下累立戰功連州寇盤踞賀縣蔣公往攻被圍家  
益力戰殺數十人出蔣公於圍蔣公益親信之保  
以守備用寇平署鎮安協右營守備未幾蔣公去  
桂林家益性嗜酒每於醉後與人忤上官前亦然  
故卒以齟齬終

戴冠號鳳洲幼習詩書因試不售同治初年投効  
楚軍總理援黔各軍糧餉保薦協鎮銜賞換花翎  
留黔補用歷任貴州丹江勝秉守府鎮遠鎮標右  
營都闔府管帶下江營練軍光緒七年廣西邊關  
洋務孔棘蘇提督元春奏調回粵幫辦軍務以參

灌陽縣志

卷十二

武畧

齒

將改留粵西歸標補用署思恩營遊府二載回省  
總查復委融懷營參府加二品頂戴時年七十未  
任而卒冠雖就武職而性通書史工筆札晚年自  
訂家乘屬族人毓駟序以藏於家云

蔣宏高字寶臣由武士投軍籍咸豐十年敗紅巾賊  
於賀縣又克復浙江金華湯溪龍游蘭谿等城及  
肅清浙東各郡縣同治二年克復武義永康義烏  
東陽浦江桐廬等城又敗紹興蕭山之賊屢保都  
司銜賞戴花翎同治四年請假回籍轉營晉京未  
知所終

唐徵職號龍舟幼讀書有膽識隸提督刁經明麾下



督辦貴縣軍務勦平土匪保陞衛守備賞戴藍翎  
何昌瓏武舉咸豐間鄉間苦烽燧軍需告匱瓏慨然  
出已貲四百千以倡之地方藉以安謐

劉智新號靜林武生成豐時擊賊忠勇勤勞地方仰  
仗後敘功僅保花翎把總人咸不平新若無預其  
事者又皆以是賢之

蔣宏年字永遠家赤貧能好義急公咸豐時從征貴  
州保參將銜賞戴藍翎

蔣全恩身材短小而膽氣豪足力最勁馳馬於百步  
外能追及之咸豐時征黔得保外委現年八十

唐思明號曉雲軀幹修偉聲應四壁咸豐四年援勦

灌陽縣志

卷十二

武畧

七

湖北逆匪八年克復江西撫州府崇仁縣九年克  
復安徽婺源縣城同治元年克復江蘇上海嘉定  
各城及解北新涇四江口圍二年克復太倉崑新  
等城屢保藍翎守備銜然家貧性傲論交不廣徒  
擁虛銜以終識者悲之

胡受七豫章豐城人有勇力明初投豫章侯麾下立  
有功勳授千戶所洪武七年隨靖江王征粵西復  
奉差遣戍灌承平後遂辭職而家焉補遺

劉金才性剛勇好擊劍喜雪不平咸豐七年值髮股  
由皖陷鄂隨江甯將軍隆都征小池江口沿江賊  
壘並黃梅縣迭獲勝仗鄂撫胡林翼奏保以把總



用八年克復黃安麻城二縣又越境征勦殲賊無數著有功勳總督官文保陞千總後復保加守備銜賞戴花翎榮歸梓里

孫如芳孫家村人州同振璿武舉超之曾祖素患瘋疾於紅巾賊竄灌過其村見而追罵被賊歐斃人皆憫之

孫紹培從九孫家村人年四十一僅一子七歲於咸豐四年紅巾賊入灌抄其家貲得嘔血疾五年十月二十五日夜死去復甦二十六日早賊竄灌城村距城南里許培卧床不能起賊於筐篋中搜出辦團縣諭肆力堵打培抵死罵不休是夜賊用火

灌陽縣志

卷十二

武畧

美

斃之幸其妻王氏撫子附貢維祺祺之子鍾祥亦人庠王氏皆及見之

劉象咸武生珠璧洞人適紅巾賊出入恭灌兩邑民無甯宇咸仗義糾眾練團大聲疾呼曰吾儕食毛踐土皆可以効力於疆場聞烏能作壁上觀乎遂多方堵禦晝夜戒嚴鄰里賴以無虞

劉冀臣珠璧洞人象咸三子也業儒有膽識不畏強暴時徭匪猖獗焚民屋宇擄掠鄰村婦女途見不平隻身與匪十餘人抵敵力盡不屈遂以身殉時道岸字誕先大營人流賊由恭入灌禦賊陣亡祀

愍忠祠



時大繼字述臣大營人咸豐六年禦賊陣亡祀愍忠祠

蔣良珍字廷光井頭嶺人賞戴藍翎補用把總值平樂流賊之變奮戰力竭遇害人祀昭忠祠

蔣三元井頭嶺人賞戴藍翎補用都司從征雲南土寇陣亡祀昭忠祠

蔣沈由興秀村人咸豐四年紅巾賊亂協團防守於秧泗澗遇難祀顯忠祠

蔣沈鈞字秉國興秀村人監生成豐四年紅巾賊亂猺匪藉靖亂爲名乘機蠢動督勇與匪戰大破之追至懶魚江仙人溝腳匪大至眾寡不敵遂遇難

灌陽縣志

卷十二

武畧

七

翟際飛生員水車人咸豐六年十月初九遇害見廣西昭忠錄

蔣世和商家坪人歲貢胤之父也咸豐五年賊破定岡隘直入商家坪和督團截堵被賊生擒和遂詬罵賊怒因戕之邑人呈請入祀顯忠祠本堡爲立愍忠祠哈縣主豐呵於夫婦盡節之處特立碑記大書其上云鄉秀蔣世和同妻李氏殉義處

唐一修字道成咸豐四年九月十四拒賊崩山寨賊夜襲寨一修綽鎗擊傷賊三人忽一賊從後至修回鎗刺之賊接其鎗一拽遂墜崖死郭宗師塋以赴義捐生額祀忠孝祠



王樹魁小江村人咸豐辛酉流寇擾灌盤踞時官屯  
等村各堡派丁合剿奮勇當先力竭陣亡

王輝治小江村人充當營兵咸豐四年紅巾入灌輝  
治隨潘把總擊賊陣亡入祀顯忠祠

王培振小江村人咸豐五年賊由永明竄灌各村男  
婦避頭道水聞賊突至奮勇堵禦斃其執旗賊即  
敗退因窮追反爲賊所乘殪於莫家村之牛坪

戴紹緒咸豐辛酉流賊入灌盤踞文家洞紹緒奮勇  
當先直搗賊巢而亡

莫大緻學名遺咸豐六年辦團出力被賊擒至羊落  
山卿家村前殺之屍裂爲五子德富見之心傷成

灌陽縣志

卷十二

武畧

庚

瘋疾而隕

楊 七咸豐辛酉賊踞文家洞約集合剿七攻賊巢  
而亡

周一長等角村人咸豐辛酉流賊入灌據文家洞各  
村約集合剿一長攻賊巢陣亡

蔣作鎔石田人咸豐四年流賊入境督勇禦之被執  
不屈殉難學憲張優卹獎以洵平義勇四字

廖祖昌全州廩生成咸豐四年流寇擾灌祖昌督練勇  
入境擊賊被執殉難今官塘石壁上刊有廖祖昌

成仁處數大字猶足令人憑弔云祀顯忠祠

蔣在浩全州人咸豐四年流寇竄灌浩亦督練勇入



擊賊與廖公同時殉難祀顯忠祠

陳相任陳家衛人咸豐四年流賊入灌任亦督團擊賊陣亡祀顯忠祠

周世官桂巖人驍勇異常咸豐間紅巾入寇督率里人堵隘遇難於村旁之石巖下

戴汝洸三樹村人家貧而使酒嘗謾罵人人亦不恨後值紅巾入灌踞時官屯爲窟穴日出擄抄村與賊鄰近被害尤甚洸醉酒出而詬詈賊初亦不之較數日後旋來洸亦復爾賊忿而曳之中野劈其面尸猶植立不仆二弟聞而赴門已無及矣含淚收其尸而去事聞入祀顯忠祠

灌陽縣志

卷十二

武畧

七

文振可鉄石村人咸豐間應募征匪陣亡事聞賜卹入祀恭邑愍忠祠

李會昌馬渡橋人儒士咸豐四年紅巾入灌昌偵其退歸舍忽遇塗被執不屈死焉

王道成江口人庠生移居芝蔴田咸豐八年紅巾入灌圍道成家成被執詈賊不休倒曳數里至烈溪澗詈尤甚賊斷其舌而死

楊昶四川巴縣人以游藝爲業技擊過人先隨文映奎嗣紅巾入灌在籍舉人何慶恩資之督團大車田之役昶同十數人獨當一面用木棍擊賊賊應棍倒後隨十數人斫之殺賊二百餘人及縣城



之役慶恩微服騎馬昶隨後覘賊營賊識爲慶恩欲於暗中炮傷之昶聽炮聲請慶恩下騎斷後前行不數十武中炮墜馬而卒

王世善三樹村人家貧少孤刈薪養母咸豐中紅巾入境村人邑庠戴鍾稟請邑宰鄧公樹榮招定勇百人以衛桑梓名眾志團朔望申之以大義賊來則悉送邑侯調遣與各堡團丁分守險要世善願充定勇膂力過人知節概辛酉賊踞上鄉時官村築土垣四周鄉團懼其出而蹂躪也日則斫營夜則上砦由是賊腹背受攻皆奪氣五月八日團總戴錫命戴汝需督率定勇全隊直抵時官屯與賊灌陽縣志

灌陽縣志

卷十二

武畧

卒

營近世善拚死先登殺賊三人越翼日復戰又殺二人及十二日世善先入陷陣直逼土城是日團丁未齊集賊欺寡弱出擊世善奔北賊尾至里許小營村前因援絕被刺傷然猶奮勇殺賊一人而後死時年三十三歲其忠孝大節如此

楊光貴

王運開

經和得

莫大吉

劉善揚

趙義得

熊美泉

戴錫順

周德勝

曹桂山

王炳華

文勝得

張承恩

營書

文學懷

以上營兵十三名營書一名

係咸豐間擊賊陣亡祀顯忠祠

史崇拔

史大松

史大敏

史道型



史登詞生庠

史道級

史崇耀

史道祁

史登官

史崇煊

史崇烈

史崇峻

史崇岫

史道榮

史道恒

史道侃

史道葵

史道羣

史道金

以上十九名係老石橋人咸豐閒禦賊殉難

劉象端

珠璧洞人

文肇福

文家洞人

蔣春林

陳育德

官田廩生

文肇渭

文家洞人

蔣吉兆

蔣良珍

井頭嶺人

時耀祖

大營人

蔣和興

蔣士籟

開德里人

蔣席文

開德里人

以上十一名咸豐閒禦賊殉難